

四庫全書薈要·乾隆御覽本

史部



詳校官主事銜臣徐以坤

欽定四庫全書

史記卷四十一

史部

史記卷四十一

漢

太

史

令司馬遷

撰

宋

中郎

外兵

曹參

軍裴駟集解

唐

國子博士

弘文館學士

司馬貞

索隱

唐

諸王侍讀率

府長史

張守節

正義

越王勾踐世家第十一

越王勾踐其先禹之苗裔而夏后帝少康之庶子也

正義

吳越春秋云禹周行天下還歸大越登茅山以朝四方
羣臣封有功爵有德崩而葬焉至少康恐禹迹宗廟祭
祀之絕乃封其庶子於越號曰無餘賀循會稽記云少
康其少子號曰於越國之稱始此越絕記云無餘都
會稽山南故封於會稽以奉守禹之祀文身斷髮披草
萊而邑焉後二十餘世至於允常正義輿地志云越侯傳國三十餘葉歷殷至周敬王時有越侯夫譚子曰允常拓土始大稱王春秋貶為子號為於越杜注云於語發聲也允常之時與吳王闔廬戰而相怨伐允常卒子勾踐立是為越王元年吳王闔廬聞允常死乃興師伐越越王勾踐使死士挑戰三行至吳陳呼而自剄吳師觀之越因襲

擊吳師吳師敗於檮李

集解杜預曰吳郡嘉興縣南有檮李城索隱事在左傳魯定公

十四年射傷吳王闔廬闔廬且死告其子夫差曰必毋忘

越三年勾踐聞吳王夫差日夜勒兵且以報越越欲先

吳未發往伐之范蠡諫曰不可臣聞兵者凶器也戰者

逆德也爭者事之末也陰謀逆德好用凶器試身於所

末上帝禁之行者不利越王曰吾已決之矣遂興師吳

王聞之悉發精兵擊越敗之夫椒

集解杜預曰夫椒在吳郡吳縣太湖中椒

山是也索隱夫音苻椒音焦本又作湫音酒小反賈逵

云地名國語云敗之五湖則杜預云在椒山為非事具

宋公越王乃以餘兵五千人保棲於會稽

集解杜預曰
上會稽山也

索隱鄒誕云保山曰棲猶鳥棲於木以避
害也故六韜曰軍處山之高者則曰棲

吳王追而圍

之越王謂范蠡曰

正義會稽典錄云范蠡字少伯越之上將軍也本是楚宛三戶人佯狂倜

儻負俗文種為宛令遣吏謂奉吏還曰范蠡本國狂人生有此病種笑曰吾聞士有賢俊之姿必有佯狂之譏內懷獨見之明外有不知之毀此固非二三子之所知也駕車而往蠡避之後知種之必來謁謂兄嫂曰今日有客願假衣冠有頃種至抵掌而談旁人觀者聳聽之矣以不聽子故至於此為之

奈何

集解韋昭曰與天法天也天

也

言持滿不溢與

定傾者與人

集解虞翻曰人道尚謙

天同道故天與之

大

同道故天與之

奈何

集解韋昭曰與天法天也天

也

言持滿不溢與

定傾者與人

集解虞翻曰人道尚謙

天同道故天與之

定傾之功人與之節事者以地

集解韋昭曰

時不至不可彊生事不完不可彊成索隱國語以

作與此以亦與義也言地能財成萬物人主宜節用以法地故地與之韋昭等解恐非

集解韋昭曰市利也謂委管卑辭厚禮

以遺之不許而身與之市

集解韋昭曰大夫官種名也一云大夫姓猶籥屬國家以身隨之正義卑

作言辭厚遺珍寶不許平越王身往事之如市賈貨易以利此是定傾危之計

勾踐曰諾乃令

大夫種行成於吳

索隱大夫官種名也一云大夫姓猶司馬司空之比非也成者平也求和

於吳也

正義吳春秋云太夫種姓文名種字子禽荆平王時為宛令之三戶之里范蠡從犬賓蹲而吠之復

吏恐文種慙令人引衣而郭之文種曰無郭也吾聞犬之所吠者人今吾到此有聖人之氣行而求之未至於此且人身而犬吠者謂我是人也乃下車拜蠡不為禮

膝行頓首曰君王亡臣勾

踐使陪臣種敢下執事勾踐請為臣妻為妾吳王將許之子胥言於吳王曰天以越賜吳勿許也種還以報

勾踐勾踐欲殺妻子燔寶器觸戰以死種止勾踐曰夫

吳太宰嚭貪可誘以利請問行言之索隱問音紀閑於反間行猶微行

是勾踐乃以美女寶器令種間獻吳太宰嚭索隱國語云越飾美

女二人使大夫種遺太宰嚭嚭受乃見大夫種於吳王種頓首言曰

願大王赦勾踐之罪盡入其寶器不幸不赦勾踐將盡

殺其妻子燔其實器悉五千人觸戰必有當也索隱言悉五千

人觸戰或有能當吳兵者故國語作獨耦亦相當對話之名又下云無乃傷君王所愛乎是有當則傷也

因說吳王曰越以服為臣若將赦之此國之利也吳王將許之子胥進諫曰今不滅越後必悔之勾踐賢君種蠡良臣若反國將為亂吳王弗聽卒赦越罷兵而歸勾踐之困會稽也喟然嘆曰吾終於此乎種曰湯繫夏臺文王囚羑里晉重耳葬翟齊小白葬莒其卒王霸由是觀之何遽不為福乎吳既赦越越王勾踐反國乃苦身焦思置膳於坐坐卧即仰膳飲食亦嘗膳也曰女忘會

稽之耻邪身自耕作夫人自織食不加肉衣不重采折
節下賢人厚遇賓客振貧弔死集解徐廣曰
弔一作奠與百姓同

其勞欲使范蠡治國政蠡對曰兵甲之事種不如蠡鎮
撫國家親附百姓蠡不如種於是舉國政屬大夫種而
使范蠡與大夫柘稽行成為質於吳索隱越大夫也
國語作諸稽郢二

歲而吳歸蠡勾踐自會稽歸七年拊循其士民士民欲

用以報吳大夫逢同諫曰

索隱達姓同名故
楚有逢伯者是

國新流亡

今乃復殷給繕飾備利吳必懼懼則難必至且鷺鳥之

擊也必匿其形令夫吳兵加齊晉怨深於楚越名高天下實害周室德少而功多必淫自矜為越計莫若結齊親楚附晉以厚吳吳之志廣必輕戰是我連其權三國伐之越承其弊克可也勾踐曰善居二年吳王將伐齊子胥諫曰未可臣聞勾踐食不重味與百姓同苦樂此人不死必為國患吳有越腹心之疾齊與吳疥癩也疥音

疥

音

願王釋齊先越吳王弗聽遂伐齊敗之艾陵

索隱

國惠

讓子胥子胥曰王母

在魯哀十一年

虜齊高國以歸

索隱

子昭

讓子胥子胥曰王母

喜王怒子胥欲自殺王聞而止之越大夫種曰臣觀吳王政驕矣請試嘗之貸粟以卜其事請貸吳王欲與子胥諫勿與王遂與之越乃私喜子胥言曰王不聽諫後三年吳其墟乎太宰嚭聞之乃數與子胥爭越議因讒子胥曰伍員貌忠而實忍人其父兄不顧安能顧王王前欲伐齊員彊諫已而有功用是反怨王王不備伍員員必為亂與逢同共謀讒之王王始不從乃使子胥於齊聞其託子於鮑氏王乃大怒曰伍員果欺寡人役反

使人賜子胥屬鏤劍以自殺子胥大笑曰我令而父霸
索隱而汝也父闔廬也

我又立若若初欲分吳國半予我我不受

已今若反以讒誅我嗟乎嗟乎一人固不能獨立報使

者曰必取吾眼置吳東門以觀越兵入也

索隱國語云吳王愴曰孤

不使大夫得見乃盛於是吳任嚭政居三年勾踐召范
以鵠夷投之于江也

蠡曰吳已殺子胥導謾者衆可乎對曰未可至明年春

吳王北會諸侯於黃池

索隱按春秋左在哀十三年

吳國精兵從王惟獨

老弱與太子留守

氏傳太子名文

勾踐復問范蠡蠡曰

可矣乃發習流二千

索隱虞書云流宥五刑接流放之罪人使之習戰任為卒伍有二千

人也正義謂先慣習流利戰陣死者二千人也

教士四萬人

索隱謂常所教練

以不教民戰是君子六千人

集解韋昭曰君子王所親謂素之是也近有志行者猶吳所謂賢

良齊所謂士也虞翻曰言君養之如子

索隱君子謂君所子養有恩惠者又按左氏楚沈尹戌帥都君子以濟

師杜預曰都君子諸都邑之士有復除

者國語云王以私卒君子六千人也

諸御千人伐吳

索隱諸御謂諸理事之官在軍有職掌者

吳師敗遂殺吳太子吳告急於王

王方會諸侯于黃池懼天下聞之乃秘之吳王已盟黃池乃使人厚禮以請成越越自度亦未能滅吳乃與吳

平其後四年越復伐吳吳士民罷弊輕銳盡死於齊晉而越大破吳因而留圍之三年吳師敗越遂復棲吳王於姑蘇之山吳王使公孫雄集解虞翻曰吳大夫肉袒膝行而前請成越王曰孤臣夫差敢布腹心異日嘗得罪於會稽夫差不敢逆命得與君王成以歸今君王舉玉趾而誅孤臣孤臣惟命是聽意者亦欲如會稽之赦孤臣之罪乎勾踐不忍欲許之范蠡曰會稽之事天以越賜吳吳不取今天以吳賜越越其可逆天乎且夫君王蠡朝晏

罷非為吳邪謀之二十二年一旦而棄之可乎且夫天
與弗取反受其咎伐柯者其則不遠君忘會稽之厄乎

勾踐曰吾欲聽子言吾不忍其使者范蠡乃鼓進兵曰

王已屬政於執事

集解虞翻曰執事蠡自謂也

使者去不者且得罪

集解虞翻曰我為子得罪索隱虞翻注蓋依國語之文今按此文謂使者宜速去不去得罪於越義亦通

吳

使者泣而去勾踐憐之乃使人謂吳王曰吾置王甬東

君百家

集解杜預曰甬東會稽勾章縣東海中洲也索隱吳語云與之夫婦三百是也

吳王謝

曰吾老矣不能事君王遂自殺乃蔽其面

正義今之面表是其遺象

也越絕云吳王曰聞命矣以三寸帛幘吾兩目使死者有知吾慙見伍子胥公孫聖以為無知吾耻生者越王則解綬以幘其目遂伏劍而死幘音覓顧野王云大巾覆也

曰吾無面以見子胥也

越王乃葬吳王而誅太宰嚭勾踐已平吳乃以兵北渡

淮與齊晉諸侯會於徐州致貢於周周元王使人賜勾

踐胙命為伯勾踐已去渡淮南以淮上地與楚

集解駟秦楚世

家曰越滅吳而不能正江淮北楚東侵廣地至泗上歸吳所侵宋地於宋與魯泗

東方百里當是時越兵橫行於江淮東諸侯畢賀號稱

霸王

索隱越在蠻夷少康之後地遠國小春秋之初未通上國國史既微畧無世系故紀年稱為於粵子

據此文勾踐平吳之後周元王始命為伯後遂僭而稱王也

范蠡遂去自齊遺大夫

種書曰蜚鳥盡良弓藏狡兔死走狗烹

集解徐廣云
狡一作郊

越

王為人長頸鳥喙可與共患難不可與共樂子何不去

種見書稱病不朝人或讒種且作亂越王乃賜種劍曰

子教寡人伐吳七術

正義越絕云九術一曰尊天事鬼二曰重財幣以遺其君三曰遺敵

粟藁以空其邦四曰遺之好美以熒其志五曰遺之巧臣使起宮室高臺以盡其財以疲其力六曰貴其諛臣使之易伐七曰彊其諫臣使之自殺八曰邦家富而備器利九曰堅甲利兵以承其弊

寡人用其

三而敗吳其四在子子為我從先王試之種遂自殺勾

踐卒

索隱紀年云晉出公十年十一月於粵子勾踐卒是為庚寅

子王鼫與立

索隱音

石與音餘

按紀年云於粵子勾踐卒次庶郢立六年卒樂資云越語謂鹿郢為鮀與也

王鼫與卒

子王不壽立王不壽卒

索隱紀年云不壽立十年見殺是為盲姑次朱勾立

子王

翁立王翁卒

索隱紀年於粵子朱勾三十四年滅鄭三十七年朱勾卒

子王

翁立王翁卒子王之侯立

索隱紀年云醫三十三年遷於吳三十六年七月太子諸

咎弑其君翁十月粵殺諸咎粵渭吳人立子錯枝為君

明年大夫寺區定粵亂立無余之十二年寺區弟思弑

其君莽安次無顙立無顙八年薨是為英燭卯故莊子

云越人三弑其君子搜患之逃乎丹宛不肯出越人薰

之以艾乘以王輿樂資云號曰無顙蓋無顙後乃次無疆也則王之侯即無余之也

王之侯卒子

王無彊立弟也

索隱蓋無顯之音其良反

王無彊時越興師北伐齊西

伐楚與中國爭彊當楚威王之時越北伐齊齊威王使

人說越王曰越不伐楚大不王小不霸圖越之所為不

伐楚者為不得晉也韓魏固不攻楚韓之攻楚覆其軍

殺其將則葉陽翟危

正義葉式涉反今許州葉縣陽翟河陽翟縣也二邑此時屬韓與楚

犬牙交境韓若伐楚恐二邑為楚所危魏亦覆其軍殺其將則陳上蔡不

安

正義陳令陳州也上蔡今豫州上蔡縣也二邑此

時屬魏與楚犬牙交境魏若伐楚恐二國為楚所

危也故二晉之事越也

正義言韓魏與楚隣令越合於二晉而伐楚

不至於覆

軍殺將馬汎之力不效所重

集解徐廣曰
正義從不至已下此

於得晉者何

也

正義從不至已下此
是齊使者重難越王

越王曰所求於晉者不至頓刃

接兵而况于攻城圍邑乎

正義頓刃築營壘也接兵戰
也越王言韓魏之事越猶不

至頓刃接兵而况更有攻城圍邑韓

魏始服乎言畏秦齊而故事越也

願魏以聚大梁之

下願齊之試兵南陽苦地以聚常鄭之境

索隱南陽在齊之西界苦

之西也常邑名蓋田文所封之

邑鄭故鄭國二邑皆齊之南地

正義

則方城之外不南

正義

山在許州葉縣西南十八里外謂許州豫州等言

魏兵在大梁之下楚方城之兵不得南伐越也

正義

淮泗

之間不東商於析酈宋胡之地

集解徐廣曰胡國今之
汝陰宋隸四邑並屬南

陽楚之西南是也宋胡作宗胡宗胡邑名胡姓之宗因以名邑杜預云汝陰縣北有故胡城是也正義鄖音攤括地志云商洛縣則古商國城也荊州圖副云鄖州內鄉縣東七里於村即於中地也括地志又云鄖州內鄉縣楚邑也故鄖縣在鄖州新城縣西北三十里按商於析鄖在商鄖二州界縣邑也夏路以左集徐廣曰蓋謂江夏之夏索隱徐氏以為江夏非也劉氏云楚適諸夏路出方城人向北行以西為左故云夏路以左其意不足以備秦正義括地志云故長城在鄖州為得也

不足
內鄉縣東七十五里南入穰縣

北連翼望山無土之處累石為固楚襄王控霸南土爭強中國多築列城於北方以適華夏號為方城按此說劉氏為得云邑徒衆少不足以備秦晉武二關之道也江南泗上不足以待越矣正義劉氏為得云邑徒衆少不足以當伐越

則齊江南洪饒等州春秋時為楚東境也泗上徐州春秋時楚北境也二境並與越鄰言不足當伐越

秦韓魏得志於楚也是二晉不戰而分地不耕而獲之
不此之為而頓刃於河山之間以為齊秦用所待者如
此其失計奈何其以此王也齊使者曰幸也越之不亡
也吾不貴其用智之如目見豪毛而不見其睫也今王
知晉之失計而不自知越之過是目論也索隱言越王
知晉之失不

自覺越之過猶人眼能見豪毛而自不見其睫故謂之目論也

王所待於晉者非其馬

汗之力也又非可與合軍連和也將待之以分楚衆也
今楚衆已分何待於晉越王曰奈何曰楚三大夫張九

軍北圍曲沃

集解徐廣曰一作北面曲沃正義括地志云曲沃故城在陝縣西三十二里於中在

鄧州內鄉縣東七里爾時曲沃屬於中屬秦二地相近故楚圍之於中以至無

集解徐廣曰無

一作假之闢者三千七百里

正義按無假之闢當在江南長沙之西北言從曲沃

於中西至漢中邑巫縣中千餘里不備秦魯也

景翠之軍北聚魯齊南陽分有

大此者乎

正義魯兗州也齊密州莒縣邑南至泗上也南陽鄧州也時屬韓也言楚又備此三國也

分散有大此者乎

且王之所求者鬪晉楚也晉楚不鬪越兵不起是知二五而不知十也此時不攻楚臣以是知越大

不王小不伯復讎龐

集解徐廣

長沙

正義復扶富反言曰一作寵今越北欲鬪晉楚

南復讐敵楚之四邑龐長沙竟陵澤也龐長沙出栗之地竟陵澤出材木之地此邑近長沙潭衡之境越若窺兵西通無假之闢則西邑不得北上貢於楚之郢都矣戰國時永郴衡潭岳鄂江洪饒並是東南境屬楚也袁吉虔撫欽宣並

越西境屬越也楚之栗也竟澤陵楚之材也

索隱劉氏
曰復者發

語之聲非也言發語聲者文勢然也則是脫况字耳讐當作鱉鱉邑名字訛耳則鱉龐長沙是三邑也竟澤陵當為竟陵澤言竟之山澤出材木故楚有七澤蓋其一也合上文為四邑也

越窺兵通無解

徐廣曰無假之闢此四邑者不上貢事於郢矣臣聞之一作西

圖王不王其敵可以伯然而不伯者王道失也故願大王之轉攻楚也於是越遂釋齊而伐楚楚威王興兵而

伐之大敗越殺王無彊盡取故吳地至浙江北破齊於

徐州

集解徐廣曰周顯王之四十六年索隱按紀年粵子無顓堯後十年楚伐徐州無楚敗越殺無彊之

語是無彊為無顓之後紀年不得錄也

之而越以此散諸族子爭立或為王

或為君瀆於江南海上

正義今台州臨海縣是也

服朝於楚後七世

至閩君搖佐諸侯平秦漢高帝復以搖為越王以奉越

後東越閩君皆其後也范蠡

集解太史公曰素王妙論曰蠡南陽人列仙傳云蠡

徐人正義吳越春秋云蠡字少伯乃楚宛三戶人也越絕云在越為范蠡在齊為鴟夷子皮在陶為朱公又云居楚曰范伯謂大夫種曰三王則三皇之苗裔也五伯

乃五帝之末世也天運厯紀千歲一至黃帝之元執辰

破已霸王之氣見於地戶伍子胥以是挾弓矢干吳王
於是又要大夫種入吳此時馮同相與共戒之伍子胥在
自餘不能闢其辭蠡曰吳越二邦同風共俗地戶事越
之位非吳則越乃入越越王常與言盡日方退

王勾踐既苦身戮力與勾踐深謀二十餘年竟滅吳報
會稽之耻北渡兵於淮以臨齊晉號令中國以尊周室
勾踐以霸而范蠡稱上將軍還反國范蠡以為大名之
下難以久居且勾踐為人可與同患難與處安為書辭
勾踐曰臣聞主憂臣勞主辱臣死昔者君王辱於會稽
所以不死為此事也今既以雪耻臣請從會稽之誅勾

踐曰孤將與子分國而有之不然將加誅于子范蠡曰

君行令臣行意乃裝其輕寶珠玉自與其私徒屬乘舟

浮海以行終不反於是勾踐表會稽山以為范蠡奉邑

索隱國語云乃環會稽三百里以為范蠡之地奉音扶用反

范蠡浮海出齊變姓名

自謂鵠夷子皮

索隱范蠡自謂也以吳王殺子胥而滅以鵠夷今蠡自以有罪故為號也韋昭

曰鵠夷革囊也耕于海畔苦身戮力父子治產居無幾
或曰生牛皮也

何致產數千萬齊人聞其賢以為相范蠡喟然嘆曰居

家則致千金居官則至卿相此布衣之極也久受尊名

不祥乃歸相印盡散其財以分與知友鄉黨而懷其重

寶間行以去止于陶

集解徐廣曰今之濟陰定陶正義括地志云陶山在濟州平陰縣東

三十五里止此山之陽也以為此天下之中交易有無
今山南五里猶有朱公冢

之路通為生可以致富矣於是自謂陶朱公復約要父

子耕畜廢居候時轉物逐什一之利居無何則致貲累

巨萬

集解徐廣曰萬萬也

天下獨陶朱公朱公居陶生少子少子

及壯而朱公中男殺人囚於楚朱公曰殺人而死職也

然吾聞千金之子不死於市告其少子往視之乃裝黃

金千溢置褐器中載以一牛車且遣其少子朱公長男
固請欲行朱公不聽長男曰家有長子曰家督余弟有
罪大人不遣乃遣少弟是吾不肖欲自殺其母為言曰
今遣少子未必能生中子也而先空亡長男奈何朱公
不得已而遣長子為一封書遺故所善莊生索隱據其時代非莊
周也然驗其行事非子休而誰能信任於楚王乎正義
年表周元王四年越滅吳范蠡遂去齊歸定陶後遺莊
生金莊周與魏惠王周元王同時從周元王四年至齊宣王元年一百三十年此莊生非莊子曰至則
進千金于莊生所聽其所為慎無與爭事長男既行亦

自私齎數百金至楚莊生家負郭披藜藿到門居甚貧
然長男發書進千金如其父言莊生曰可疾去夫慎母
留即弟出勿問所以然長男既去不遇莊生而私留以
其私齎獻遺楚國貴人用事者莊生雖居窮閭然以廉
直聞於國自楚王以下皆師尊之及朱公進金非有意
受也欲以成事後復歸之以為信耳故金至謂其婦曰
此朱公之金有如病不宿誠後復歸勿動而朱公長男
不知其意以為殊無短長也莊生間時入見楚王言某

星宿某此則害於楚楚王素信莊生曰今為奈何莊生曰獨以德為可以除之楚王曰生休矣寡人將行之王

乃使使者封三錢之府

集解國語曰周景王時將鑄大錢賈逵說云虞夏商周金幣三

等或赤或白或黃黃為上幣銅錢為下幣韋昭曰錢者全幣之名所以買買物通財用也單穆公云古者有母平子子權母而行然則三品之來古而然矣駟謂楚之三錢貢革之說近之

楚貴人驚告朱

公長男曰王且赦曰何以也曰每王且赦常封三錢之

府昨暮王使使封之

集解駟案或曰王且赦常封三錢之府者錢幣至重慮人或逆知有

赦盜竊之所以封錢府備盜竊也漢靈帝時河內張成能候風角知將有赦教子殺人捕得七日赦出此其類

也朱公長男以為赦弟固當出也重千金虛棄莊生無所為也乃復見莊生莊生驚曰若不去邪長男曰固未也初為事弟弟今議自赦故辭生去莊生知其意欲復得其金曰若自入室取金長男即自入室取金持去獨自歡幸莊生羞為兒子所賣乃入見楚王曰臣前言某星事王言欲以脩德報之今臣出道路皆言陶之富人朱公之子殺人囚楚其家多持金錢賂王左右故王非能恤楚國而赦乃以朱公子故也楚王大怒曰寡人雖

不德耳奈何以朱公之子故而施惠乎今論殺朱公子
明日遂下赦令朱公長男竟持其弟喪歸至其母及邑
人盡哀之唯朱公獨笑曰吾固知必殺其弟也彼非不
愛其弟顧有所不能忍者也是少與我俱見苦為生難
故重弃財至如少弟者生而見我富乘堅驅良逐狡兔
豈知財所從來故輕去之非所惜吝前日吾所為欲遣
少子固為其能弃財故也而長者不能故卒以殺其弟
事之理也無足悲者吾日夜固以望其喪之來也故范

蠡三徙成名於天下非苟去而已所止必成名卒老死

于陶故世傳曰陶朱公

集解張華曰陶朱公家在南郡華容縣西樹碑云是越之范蠡也正義盛弘之荊州記云荊州華容縣西有陶朱公家

樹碑云是越范蠡本宛三戶人與文種俱入越吳亡後自適齊而終陶朱公登仙未聞此所由括地志云陶朱公家也又云濟州平陰縣東三十里陶山南五

里有陶公冢并止於陶山之

陽按吳處有三未詳其處

太史公曰禹之功大矣漸九川

集解徐廣曰漸者亦引進通導之意也字或宜

然定九州至于今諸夏艾安及苗裔勾踐苦身焦思終

滅彊吳北觀兵中國以尊周室號稱霸王

集解徐廣曰一作主勾

踐可不謂賢哉蓋有禹之遺烈焉范蠡三遷皆有榮名
名垂後世臣主若此欲毋顯得乎

索隱述贊曰越祖少康至于允常其子始霸與吳爭
彊攜李之役闔廬見傷會稽之耻勾踐欲當種誘以
利蠱悉其良折節下士致膽思嘗卒復
讐冠遂於吳彊後不量力滅於無彊

史記卷四十一

史記卷四十一考證

越王勾踐世家後二十餘世至於允常○允常吳越春秋作元常高氏越史曰夏自少康至桀中十二世按少康元年壬午至周敬王元年壬午凡一千五百六十一年吳之伐越見春秋昭公三十二年敬王十年也至是二千五百七十年矣越之傳國至於元常何止二十餘世耶

吳師敗於檇李○越絕書作就李吳世家作姑蘇

越王謂范蠡曰正義會稽典錄云○典監本訛作興今
改正

乃令大夫種行成於吳正義范蠡從犬賓蹲而吠之○
犬監本訛作人今改正

二歲而吳歸蠡勾踐自會稽歸○國語勾踐與范蠡入
宦於吳三年而吳人遣之越絕書亦作越王入宦於
吳三年吳王歸之

大夫逢同諫曰○越絕書作馮同吳春秋作扶同

虜齊高國以歸○

臣照

按哀十一年左傳戰于艾陵展

如敗高子國子敗胥門菑王卒助之大敗齊師獲國

書公孫夏閭丘明陳書東郭書革車八百乘甲首三

千以獻於公是高子敗國子見虜也後又云歸國子

之元想當時歿於陳耳此兼言高子與左傳異

乃發習流二千索隱虞書云流宥五刑按流放之罪人

使之習戰任為卒伍有二千人也正義謂先慣習流

利戰陣死者二千人也○徐天祐吳越春秋注曰笠

澤之戰越以三軍潛涉蓋以舟師勝此所謂習流是即習水戰之兵若曰使罪人習戰越一小國流放者何至二千人哉

教士四萬人○吳越春秋教士作俊士

吳王使公孫雄○吳越春秋作王孫駱國語作王孫雄

誅太宰嚭○臣照按吳世家越王滅吳誅太宰嚭伍子胥傳亦云殺王夫差而誅太宰嚭吳越春秋誅嚭并

妻子但越滅吳之後二年是為哀公二十四年左傳

公如越將妻公而多與之地季孫懼使因太宰嚭而納嚭焉乃止然則吳之亡也嚭遂仕越固無恙也

子教寡人伐吳七術正義四曰遺之好美以熒其志○

臣照

按熒猶惑也作熒者非

子王鼫與立○左傳作適郢吳春秋作興夷即位一年卒

商於析酈宋胡之地正義酈音攤○酈字無攤音疑攤字之誤

盡取故吳地至浙江○臣照按兩漢刊誤補遺曰吳故

地在今吳松江太湖北太史公所云豈以吳伐越嘗

至會稽耶勾踐棲于會稽葦昭謂山在今山陰南七

里是吳師入越嘗絕江而至山陰不止浙江之北而

已其實入越與入郢同雖嘗深入其國都而不能有

其地然則吳地止於松江非浙江也王仲任以為餘

暨以南屬越錢塘以北屬吳錢塘之江兩國界址又

唐人詩有到江吳地盡隔岸越山多之句皆未深考

之故

北破齊於徐州集解徐廣曰周顯王之四十六年○攷
通鑑在周顯王之三十五年

史記卷四十一考證

欽定四庫全書

史記卷四十二

史部

史記卷四十二

漢

太

史

令司馬遷

撰

宋中郎外兵曹參軍裴

駟集解

唐國子博士弘文館學士司馬貞索隱

唐諸王侍讀率府長史張守節正義

鄭世家第十二

鄭桓公友者周厲王少子而宣王庶弟也

集解徐廣曰
年表云母弟

宣王立二十二年友初封于鄭

索隱鄭縣名屬京兆秦武公十一年初縣杜鄭

是也又系本云桓公居棫林徙捨宋忠云棫林與捨皆舊地名是封桓公乃名為鄭耳至秦之縣鄭是鄭武公

東徙新鄭之後其舊鄭乃是故都故秦始改為縣也出地理志

封三十三歲百姓皆便

愛之幽王以為司徒

集解韋昭曰幽王八年為司徒和宗隱韋昭據國語以為說耳

集周民周民皆說河雒之間人便思之為司徒一歲幽

王以褒后故王室治多邪諸侯或畔之於是桓公問太

史伯

集解虞翻曰周太史

曰王室多故予安逃死乎太史伯對曰

獨雒之東土河濟之南可居公曰何以對曰地近虢鄩

集解徐廣曰虢在成臯鄧在密縣騶案虞翻曰虢姬姓東虢也鄧妘姓正義括地志云洛州汜水縣古東虢叔之國東虢君也又云故鄧城在鄭州新鄭縣東北三十三里虢鄧之君貪而好利索隱鄭語云虢叔恃勢索隱鄭仲恃險皆有驕侈索隱又加之以貪冒是也虢叔文王弟鄧妘姓之國也百姓不附今公為司徒民皆愛公公誠請居之虢鄧之君見公方用事輕分公地公誠居之虢鄧之民皆公之民也公曰吾欲南之江上何如對曰昔祝融為高辛氏火正其功大矣而其於周末有興者楚其後也周衰楚必興興非鄭之利也公曰吾欲居西方何如索隱國語云公曰謝西之九州何如韋昭

曰謝申伯之國謝西有九州二千五百家為州其說益異此

對曰其民貪而好利難

久居公曰周衰何國興者對曰齊秦晉楚乎夫齊姜姓

伯夷之後也伯夷佐堯典禮秦嬴姓伯繫之後也伯繫

佐舜懷柔百物及楚之先皆嘗有功於天下而周武王

克紂後成王封叔虞于唐

集解徐廣曰晉世家曰唐叔虞姓姬氏字子于索隱唐者

古國堯之後其君曰叔虞何以知然據此系家下文云唐人之季代曰唐叔虞當武王邑姜方震大叔夢天帝

命而子曰虞與之唐及生有文在乎曰虞遂以名之及武王滅唐而國大叔故因以稱唐叔虞杜預亦曰取唐

君之名是也其地阻險以此有德與周衰並亦必興矣桓公

曰善於是卒言王東徙其民雒東而號鄆果獻十邑

集解

虞翻曰十邑謂虢鄆鄖蔽補丹依驃歷莘也索隱國語云太史伯曰若克二邑鄖蔽補丹依驃歷莘君之土也

虞翻注皆依國語為說

竟國之

集解韋昭曰後武公竟取十二歲邑地而居之今河南新鄭也

犬戎殺幽王於驪山下并殺桓公鄭人共立其子掘突

正義上求勿反下戶骨反

是為武公

索隱譙周云名突滑皆非也蓋古史失其名太史公循舊失而

妄記之耳何以知其然者按下文其孫昭公名忽厲公名突豈有孫與祖同名乎當是舊史雜記昭厲忽突之

名遂誤以掘突

正義括地志云故武公十年娶申侯女

申城在鄧州南陽

鄭武公取於申也

為夫人曰武姜生太子寤生生之

難及生夫人弗愛後生少子叔段段生易夫人愛之

解集

徐廣曰年表云十四年生寤生十七年生太叔段

二十七年武公疾夫人請公

欲立段為太子公弗聽是歲武公卒寤生立是為莊公

莊公元年封弟段於京

集解杜預曰今鄭都邑號太叔

祭仲曰京大於國非所以封庶也莊公曰武姜欲之我
弗敢奪也段至京繕治甲兵與其母武姜謀襲鄭二十

二年段果襲鄭武姜為內應莊公發兵伐段段走伐京

京人畔段段出走鄢

集解杜預曰鄢今鄢陵也正義音烏古反今新鄭縣南鄢頭有村

多萬家

集解

賈逵曰

共國名也

杜預曰

舊作郿

郿潰毀出奔共

集解

賈逵曰今汲郡

共縣也

正義按今衛州

共城縣

於是莊公遷其母武姜於城

集解

賈逵曰鄭

州臨穎

集解許

是也

於是莊公遷其母武姜於城穎

集解

賈逵曰天地黃

集解

賈逵曰鄭地也正義疑許

州臨穎

誓言曰不至黃泉

集解

服虔曰天玄地黃

集解

賈逵曰地中故言黃泉

是也

見也居歲餘已悔思母穎谷之考叔

集解

賈逵曰穎谷

集解

賈逵曰鄭地正義括地志

見也居歲餘已悔思母穎谷之考叔

集解

賈逵曰穎谷

云穎水水源出洛州嵩高縣東南三十里陽乾山今俗名

穎山泉源出山之東谷其側有古人居處俗名為穎瀘

故老云是穎考叔故居即

酈元注水經所謂穎谷也

有獻於公公賜食考叔曰臣

有母請君食賜臣母莊公曰我甚思母惡負盟奈何考

叔曰穿地至黃泉則相見矣於是遂從之見母二十四

年宋繆公卒公子馮奔鄭鄭侵周地取禾

索隱左傳隱二年鄭武公

莊公為平王卿士王貳于虢及王崩周人將界虢公政夏四月鄭祭足帥師取溫之麥春秋又取成周之禾二

十五年衛州吁弑其君桓公自立與宋伐鄭以馮故也

二十七年始朝周桓王桓王怒其取禾弗禮也

索隱杜預曰桓

王即位周鄭交惡至是始朝故言始也左傳又曰周桓公言於王曰我周之東遷晉鄭焉依善鄭以勸來者猶

懼不既况不禮焉鄭不來矣二十九年莊公怒周弗禮與魯易祊許

田索隱許田近許之地魯朝宿之邑祊者鄭所受助祭太山之湯沐邑鄭以天子不能巡守故以祊易許田

各從其近三十三年宋殺孔父三十七年莊公不朝周周桓

王率陳蔡虢衛伐鄭莊公與祭仲高渠彌發兵自救

索隱

左傳稱祭仲足蓋祭是邑其人名仲字仲足故傳云祭封人仲足是也此繻葛之戰在魯桓五年彌作昧並音

迷王師大敗祝聃射中王臂

索隱左氏作祝聃

祝聃請從之鄭

伯止之曰犯長且難之況敢陵天子乎乃止夜令祭仲

問王疾三十八年北戎伐齊齊使求救鄭遣太子忽將

兵救齊齊釐公欲妻之忽謝曰我小國非齊敵也時祭

仲與俱勸使取之曰君多內寵

集解服虔曰言庶子有寵者多

太子無

大援將不立三公子皆君也所謂三公子者太子忽其

弟突次弟子亹也

索隱此文則數太子忽及突子亹為三而杜預云不數太子以子突子亹

子儀為三

四十三年鄭莊公卒初祭仲甚有寵於莊公

莊公使為卿公使娶鄧女生太子忽故祭仲立之是為昭公

莊公又娶宋雍氏女

集解賈逵曰雍氏黃帝之後孫姞姓

之後為宋大夫

宋莊公聞祭

厲公突雍氏有寵於宋

集解服虔曰為宋正卿故曰有寵

仲之立忽乃使人誘召祭仲而執之曰不立突將死亦

執突以求賂焉祭仲許宋與宋盟以突歸立之昭公忽

聞祭仲以宋要立其弟突九月辛亥忽出奔衛己亥突

至鄭立是為厲公厲公四年祭仲專國政厲公患之陰使其壻雍糾欲殺祭仲集解賈逵曰鄭大夫糾妻祭仲女也知之謂其母曰父與夫孰親母曰父一而已人盡夫也杜預曰婦人在室則天父出則天夫女以為疑故母以所生為本解之

解女乃告祭仲祭仲

反殺雍糾戮之於市厲公無奈祭仲何怒糾曰謀及婦

人死固宜哉夏厲公出居邊邑櫟

集解宋襄公今潁川陽翟縣案隱按櫟音

歴即鄭初得十邑之歴也祭仲迎昭公忽六月乙亥復入鄭即位秋

鄭厲公突因櫟人殺其大夫單伯

集解杜預曰鄭守大夫也索隱依左傳

作檀伯事在桓十五年此文誤為單伯者蓋亦有所因也按魯莊公十四年厲公自櫟侵鄭事與單伯會齊師伐宋相連故知誤耳遂居之諸侯聞厲公出奔伐鄭弗克而去宋頗予厲公兵自守於櫟鄭以故亦不伐櫟昭公二年自昭公為太子時父莊公欲以高渠彌為卿太子忽惡之莊公弗聽卒用渠彌為卿及昭公即位懼其殺已冬十月辛卯渠彌與昭公出獵射殺昭公於野祭仲與渠彌不敢入厲公乃更立昭公弟子亹為君是為子亹也無謚號子亹元年七月齊襄公會諸侯於首止集解服虔曰首止近

鄭之地杜預曰首止衛地陳留襄邑縣東南有首鄉鄭子亹往會高渠彌相從祭

仲稱疾不行所以然者子亹自齊襄公為公子之時嘗

會鬪相仇及會諸侯祭仲請子亹無行子亹曰齊彊而

厲公居櫟即不往是率諸侯伐我內厲公我不如往往

何遽必辱且又何至是卒行於是祭仲恐齊并殺之故

稱疾子亹至不謝齊侯齊侯怒遂伏甲而殺子亹高渠

彌亡歸索隱左氏云輶高渠彌歸與祭仲謀召子亹弟公子嬰於

陳而立之是為鄭子索隱左氏以鄭子名子義此云嬰蓋別有所見是歲齊襄

公使彭生醉拉殺魯桓公鄭子八年齊人管至父等作亂弑其君襄公十二年宋人長萬弑其君湣公鄭祭仲死十四年故鄭亡厲公突在櫟者使人誘劫鄭大夫甫瑕要以求入索隱左傳作傅瑕此本多假借亦依字讀瑕曰舍我我為君殺

鄭子而入君厲公與盟乃舍之六月甲子瑕殺鄭子及其二子而迎厲公突突自櫟復入即位初內蛇與外蛇鬪於鄭南門中內蛇死居六年厲公果復入而讓其伯父原索隱左傳謂之原繁曰我亡國外居伯父無意入我亦甚

矣原曰事君無二心人臣之職也原知罪矣遂自殺厲公於是謂甫瑕曰子之事君有二心矣遂誅之瑕曰重德不報誠然哉厲公卒後元年齊桓公始霸五年燕衛與周惠王弟頹伐王索隱惠王莊王孫僖王子子頹莊王之妾王姚所生事在莊十九年

王出奔溫立弟頹為王六年惠王告急鄭厲公發兵擊周王子頹弗勝於是與周惠王歸王居于櫟七年春鄭厲公與虢叔襲殺王子頹而入惠王于周秋厲公卒子文公踐立索隱踐音在接反系本云文公從鄭宋忠云即新鄭也厲公初立四歲

亡居櫟居櫟十七歲復入立七歲與亡凡二十八年文

公十七年齊桓公以兵破蔡遂伐楚至召陵二十四年

文公之賤妾曰燕姞

集解 賈逵曰
姑姑南燕姓

夢天與之蘭

集解 賈逵曰
達曰香

草曰余為伯儻余爾祖也

集解 賈逵曰
伯儻南燕祖

以是為而子

集解

王肅曰以是蘭也為汝子之名蘭有國香以夢告文公文幸之而予

之草蘭為符遂生子名曰蘭三十六年晉公子重耳過

文公弗禮文公弟叔詹曰重耳賢且又同姓窮而遇君

不可無禮文公曰諸侯亡公子過者多矣安能盡禮之

詹曰君如弗禮遂殺之弗殺使即反國為鄭憂矣文公
弗聽三十七年春晉公子重耳反國立是為文公秋鄭
入滑滑聽命已而反與衛於是鄭伐滑索隱左傳僖二
十四年鄭公子
士洩堵俞彌周襄王使伯犧請滑
師索隱猶音服左氏王
師伐滑杜預云二子周大夫知伯犧即伯服也
請滑索隱猶音服左氏王游孫伯如鄭

襄王之與衛滑故不聽襄王請而囚伯犧王怒與翟人

伐鄭弗克冬翟攻伐襄王襄王出奔鄭鄭文公居王于
汜三十八年晉文公入襄王成周四十一年助楚擊晉
自晉文公之過無禮故背晉助楚四十三年晉文公與
秦穆公共圍鄭討其助楚攻晉者及文公過時之無禮
也初鄭文公有三夫人寵子五人皆以罪蚤死公怒溉
集解徐廣曰一作瑕音既左傳作瑕逐羣公子子蘭奔晉從晉文公圍
鄭時蘭事晉文公甚謹愛幸之乃私於晉以求入鄭為
太子晉於是欲得叔詹為僇鄭文公恐不敢謂叔詹言

詹聞言於鄭君曰臣謂君君不聽臣晉卒為患然晉所以圍鄭以詹詹死而赦鄭國詹之願也乃自殺鄭人以詹尸與晉晉文公曰必欲一見鄭君辱之而去鄭人患之乃使人私於秦曰破鄭益晉非秦之利也秦兵罷晉文公欲入蘭為太子以告鄭鄭大夫石癸曰吾聞姞姓乃后稷之元妃集解杜預曰姞姓其後當有興者子蘭母其後也且夫人子盡已死餘庶子無如蘭賢今圍急晉以為請利孰大焉遂許晉與盟卒而立子蘭為太子

晉兵乃罷去四十五年文公卒子蘭立是為繆公繆公元年春秦繆公使三將將兵欲襲鄭至滑逢鄭賈人弦高詐以十二牛勞軍故秦兵不至而還晉敗之於崤初往年鄭文公之卒也鄭司城縉賀以鄭情賣之秦兵故來三年鄭發兵從晉伐秦敗秦兵於澮往年集解徐廣曰繆公之二年楚太子商臣弑其父成王代立二十一年與宋華元伐鄭華元殺羊食士不與其御羊斟怒以馳鄭鄭囚華元宋贖華元元亦亡去晉使趙穿以兵伐鄭二十二年

鄭繆公卒子夷立是為靈公元年春楚獻鼋於靈

公子家子公將朝靈公

集解

賈逵曰

子公之食指動

集解

服虔曰
第二指謂子家曰佗日指動必食異物及入見靈公進

龜羹子公笑曰果然靈公問其笑故具告靈公靈公召

之獨弗予羹子公怒染其指

集解

駟案左傳

於鴻

嘗之而出

公怒欲殺子公子公與子家謀先夏弑靈公鄭人欲立

靈公弟去疾去疾讓曰必以賢則去疾不肖必以順則

公子堅長堅者靈公庶弟

集解

徐廣曰年表云

靈公庶兄去疾之兄也

於是乃立子堅是為襄公襄公立將盡去繆氏繆氏者殺靈公子公之族家也去疾曰必去繆氏我將去之乃止皆以為大夫襄公元年楚怒鄭受宋賂縱華元伐鄭鄭背楚與晉親五年楚復伐鄭晉來救之六年子家卒國人復逐其族以其弑靈公也七年鄭與晉盟鄢陵八年楚莊王以鄭與晉盟來伐圍鄭三月鄭以城降楚楚王入自皇門鄭襄公肉袒擎羊以迎曰孤不能事邊邑使君王懷怒以及敝邑孤之罪也敢不惟命是聽君王

遷之江南及以賜諸侯亦惟命是聽若君王不忘厲宣

王桓武公哀不忍絕其社稷錫不毛之地

集解何休曰
境堦不生五

穀曰不毛謙
不敢求肥饒使復得改事君王孤之願也然非所敢望

也敢布腹心惟命是聽莊王為却三十里而後舍楚羣

臣曰自郢至此士大夫亦久勞矣今得國舍之何如莊

王曰所為伐伐不服也今已服尚何求乎卒去晉聞楚

之伐鄭發兵救鄭其來持兩端故遲比至河楚兵已去

晉將帥或欲渡或欲還卒渡河莊王聞還擊晉鄭反助

楚大破晉軍於河上十年晉來伐鄭以其反晉而親楚也十一年楚莊王伐宋宋告急于晉晉景公欲發兵救宋伯宗諫晉君曰天方開楚未可伐也乃求壯士得霍人解揚字子虎誑楚令宋母降過鄭鄭與楚親乃執解揚而獻楚楚王厚賜與約使反其言令宋趣降三要乃許於是楚登解揚樓車集解服虔曰樓車所以窺望敵軍兵法所謂雲梯者杜預曰樓車上車車上望樓也令呼宋遂負楚約而致其晉君命曰晉方悉國兵以救宋宋雖急慎毋降楚晉兵今至矣楚莊王大怒

將殺之解揚曰君能制命為義臣能承命為信受吾君

命以出有死無隕

集解服虔
曰隕墜也

莊王曰若之許我已而背

之其信安在解揚曰所以許王欲以成吾君命也將死

顧謂楚軍曰為人臣毋忘盡忠得死者楚王諸弟皆諫

王赦之於是赦解揚使歸晉爵之為上卿十八年襄公

卒子悼公潰立

索隱劉音秘鄒本一作弗一
作沸左傳作費音扶味反

悼公元年

鄭公

某解徐廣曰音許許公靈公也

惡鄭於楚悼公使弟睭於楚自訟

索隱睭音公遜反

訟不直楚囚睭於是鄭悼公來與晉平遂親

晉私於楚子反子反言歸晉於鄭二年楚伐鄭晉兵來
救是歲悼公卒立其弟晉是為成公成公三年楚共王
曰鄭成公孤有德焉使人來與盟成公私與盟秋成公
朝晉晉曰鄭私平於楚執之使繫書伐鄭四年春鄭患
晉圍公子如乃立成公庶兄繻為君索隱繻音須鄒氏云一作纏其
四月晉聞鄭立君乃歸成公鄭人聞成公歸亦殺君繻
迎成公晉兵去十年背晉盟於楚晉厲公怒發兵伐
鄭楚共王救鄭晉楚戰鄢陵楚兵敗晉射傷楚共王目

俱罷而去十三年晉悼公伐鄭兵於洧上

集解服虔曰
洧水名正義

括地志云洧水在鄭州新鄭縣北三里古新鄭城南韓詩外傳云鄭俗二月桃花水出時會於溱洧水上以自祓除按在古城

城南與溱水合鄭城守晉亦去十四年成公卒子惲立

是為釐公

索隱惲音糾粉反左傳作髡頑

釐公五年鄭相子駟朝釐公

釐公不禮子駟怒使厨人藥殺釐公

某解徐廣曰年表云子駟使賊夜弑

釐赴諸侯曰釐公暴病卒立釐公子嘉嘉時年五歲是

為簡公簡公元年諸公子謀欲誅相子駟子駟覺之反

盡誅諸公子二年晉伐鄭鄭與盟晉去冬又與楚盟子

駟畏誅故兩親晉楚三年相子駟欲自立為君公子子孔使尉止殺相子駟而代之子孔又欲自立子產曰子駟為不可誅之今又效之是亂無時息也於是子孔從之而相鄭簡公四年晉怒鄭與楚盟伐鄭鄭與盟楚共王救鄭敗晉兵簡公欲與晉平楚又囚鄭使者十二年簡公怒相子孔專國權誅之而以子產為卿十九年簡公如晉請衛君還而封子產以六邑集解服虔曰子產四井為邑子產讓受其三邑二十二年吳使延陵季子於鄭見子產如

舊文謂子產曰鄭之執政者侈難將至政將及子子為
政必以禮不然鄭將敗子產厚遇季子二十三年諸公
子爭寵相殺又欲殺子產公子或諫曰子產仁人鄭所
以存者子產也勿殺乃止二十五年鄭使子產於晉問
平公疾平公曰卜而曰實沉臺駘為祟史官莫知敢問
對曰高辛氏有二子長曰閼伯季曰實沉居曠林集解賈逵曰后
曰曠大也不相能也日操干戈以相征伐后帝弗臧集解賈逵曰后
帝堯也遷閼伯于商丘主辰杜預曰商丘宋地服虔曰
臧善也

集解服

虞曰

商人契之

先湯之

始祖相土

封闢

辰大火商人是因故辰為商星遷實沈于大夏主參

集解服

虞曰

大夏

伯之故地因其國而代之

遷實沈于大夏主參

集解服

虞曰

大夏

參星杜預曰大

唐人是因服事夏商

謂陶唐氏之胄劉

夏今晉陽縣

累也事夏帝孔甲封於大夏因實沈之國子孫服事夏

商也正義括地志云故唐城在絳州翼城縣西二十里

徐才宗國都城記云唐國帝堯之裔子所封春秋云夏

孔甲時有堯苗胄劉累者以豢龍事孔甲夏后嘉之賜

曰御龍氏以更豕革之後龍一雌死潛醢之以食夏后

既而使求之懼而遷於魯縣夏后益別封劉累之後於

夏之墟為唐侯至周成王時唐人作亂成王滅之而封

大叔遷唐子孫於杜謂之杜伯范氏所云在周為唐杜

氏也地記云唐氏在大夏之墟屬河東安縣今在絳城

西北一百里有唐城者以為唐舊國然則叔虞之封即

此地也

其季世曰唐叔虞

集解杜預曰唐人之季世其君曰叔虞

當武王邑

姜方娠大叔夢帝謂己

集解賈逵曰天也

余命而子曰虞

集解杜預曰取唐君之名

乃與之唐屬之參

而蕃育其子孫及生有

文在其掌曰虞遂以命之及成王滅唐而國大叔焉故

參為晉星

集解賈逵曰晉主祀參為晉星

由是觀之則實沉參神也

昔金天氏有孽子曰昧為玄冥師

集解服虔曰金天少皞也玄冥水官也

師

長也昧為水官之長生允格臺駘

集解服虔曰

允格臺駘兄弟也臺駘能業其官

集解服虔曰脩昧之職

宣汾洮

集解服虔曰通也

汾洮二水名

障大澤

集解服虔曰陂

障其以處太原

集解服虔曰太原汾水名杜預水也太原晉陽也臺駘之所居也

帝用嘉

之國之汾川

集解服虔曰帝顙頊項也

沈姒蓐黃實守其祀

集解賈逵曰四

國臺駘

今晉主汾川而滅之

集解賈逵曰滅四國

由是觀之則臺

駘汾洮神也然是二者不害君身山川之神則水旱之

蓄崇之

集解服虔曰崇為營攢用幣也若旱則崇祭山川之神以祈福也

日月星辰之

神則雪霜風雨不時崇之若君疾飲食哀樂女色所生

也平公及叔嚮曰善博物君子也厚為之禮於子產二

十七年夏鄭簡公朝晉冬畏楚靈王之彊又朝楚子產

從二十八年鄭君病使子產會諸侯與楚靈王盟於申
誅齊慶封三十六年簡公卒子定公寧立秋定公朝晉
昭公定公元年楚公子棄疾弑其君靈王而自立為平
王欲行德諸侯歸靈王所侵鄭地于鄭四年晉昭公卒
其六卿彊公室卑子產謂韓宣子曰為政必以德毋忘
所以立六年鄭火公欲禳之子產曰不如脩德八年楚
太子建來奔十年太子建與晉謀襲鄭鄭殺建建子勝
奔吳十一年定公如晉晉與鄭謀誅周亂臣入敬王子

周

索隱王避弟子朝之亂出居狄泉在昭二十三年十

周至二十六年晉鄭入之經曰天王入于成周是也

三年定公卒子獻公立獻公十三年卒子聲公勝立

當是時晉六卿彊侵奪鄭鄭遂弱聲公五年鄭相子產

卒

正義括地志云子產墓在新鄭縣西南三十五里鄭元注水經云子產墓在潩水上累石為方墳墳東北

向鄭城杜預曰言不忘本也鄭人皆哭泣悲之如亡親戚子產者鄭

成公少子也為人仁愛人事君忠厚孔子嘗過鄭與子產如兄弟云及聞子產死孔子為泣曰古之遺愛也

集解

賈逵云愛惠也杜預云子產見愛有古人遺風也兄事子產八年晉范中行氏

反晉告急於鄭鄭救之晉伐鄭敗鄭軍於鐵

集解杜預
邑正義括地志云鐵邱在南

渭州衛南縣東南十五里

十四年宋景公滅曹二十

年齊田常弑其君簡公而常相於齊二十二年楚惠王

滅陳孔子卒二十六年晉知伯伐鄭取九邑三十七年

聲公卒子哀公易立

集解駟案年表
云三十八年

哀公八年鄭人弑

哀公而立聲公弟丑是為共公共公三年晉滅知伯三十

年共公卒子幽公已立幽公元年韓武子伐鄭殺幽

公鄭人立幽公弟駘是為繻公

集解駟案年表曰鄭立
公子駘繻或作繚

繻公十五年韓景侯伐鄭取雍邱鄭城京十六年鄭伐

韓敗韓兵於負黍

集解徐廣曰在陽城正義括地志云負黍亭在洛陽城縣西南三十五里故周

二十年韓趙魏列為諸侯二十三年鄭圍韓之邑也

陽翟二十五年鄭君殺其相子陽二十七年子陽之黨

共弑繻公駘而立幽公弟乙為君是為鄭君

集解徐廣曰一本云

立幽公弟乙陽為君是為康公六年表云立幽公子駘又以鄭君陽為鄭康公乙班固云鄭康公乙為韓所

滅鄭君乙立二年鄭負黍反復歸韓十一年韓伐鄭取

陽城二十一年韓哀侯滅鄭并其國

太史公曰語有之以權利合者權利盡而交疎甫瑕是
也甫瑕雖以劫殺鄭子內厲公厲公終背而殺之此與
晉之里克何異守節如荀息身死而不能存奚齊變所
從來亦多故矣

索隱述贊曰厲王之子得封於鄭代職司徒縮衣在
詠號鄭獻邑祭足專命莊既犯王厲亦奔命居櫟兒
入夢蘭疏慶伯服生因叔瞻尸聘釐簡
之後公室不競負黍雖還韓哀日盛

史記卷四十二

史記卷四十二考證

鄭世家鄭桓公友者周厲王少子而宣王庶弟也○

臣

按春秋之例母弟稱弟繫兄為尊以退於其餘公子僖二十四年左傳曰鄭有厲宣之親以厲王之子

而兼云宣王明是其母弟也服虔杜預皆云母弟此

鄭世家云宣王庶弟皇甫謐亦云庶弟乃年表又云

鄭桓公友宣王母弟世家年表同出馬遷不宜自乖

異豈傳聞異辭故兩著於管耶

友初封於鄭索隱系本云桓公居棫林○鄭康成詩譜韋昭國語註皆作咸林

於是卒言王東徙其民雖東而號鄆果獻十邑○

臣照

按號鄆獻十邑事先儒多言其非實毛詩疏云馬遷見國語有史伯為桓公謀取十邑之文不知桓身未得故傳會為此說耳外傳云皆子男之國號鄆為大則八邑各為其國非號鄆之地無由得獻之桓公也又左傳疏云按鄭語桓公始謀未取之也武公始國

非桓公也全滅虢非獻邑也

又集解十邑謂虢鄩郿陁補丹依驟歷莘也○監本訛丹為舟訛莘為華今俱改正

又索隱虞翻注皆依國語為說○說監本訛作記今

改正

生太子寤生生之難及生夫人弗愛後生少子叔段段生易夫人愛之○臣照按十六國春秋西燕慕容皝妻晝寢而生子左右以告方寤而起其夫曰此兒易

生似鄭莊公據此則鄭莊公生之易也諸儒解左傳者並不用馬遷之說

穎谷之考叔正義即酈元注水經○元監本訛作云今
改正

三十三年宋殺孔父○春秋經宋督殺孔父在魯桓二
年據年表於鄭莊為三十四年

九月辛亥忽出奔衛○辛亥左傳作丁亥

夏厲公出居邊邑櫟○春秋經魯桓十五年五月鄭伯

突出奔蔡秋九月鄭伯突入于櫟

秋屬公卒○春秋經魯莊二十一年夏五月辛酉鄭伯

突卒此秋字應是夏字之訛

子文公蹠立○左傳作捷監本訛作蹠今改正

冬翟攻伐襄王○攷左傳事在秋

鄭司城繒賀以鄭情賣之○余有丁曰左傳賣鄭者杞

子乃秦人之戍鄭者

敗秦兵於汪○左傳秦晉戰於彭衙秦師敗績此汪疑

彭衙之誤

鄭與晉盟郿陵○左傳作辰陵

孤之罪也○之監本訛作之今改正

兵於洧上正義與溱水合○合監本訛作名今改正
而國太叔焉○焉監本訛作為今改正

秋定公朝晉昭公○左傳事在夏

十三年定公卒○年表十六年卒

子獻公薑立○公羊作嘗

聲公五年鄭相子產卒○

臣照

按左傳魯昭二十年鄭

子產有疾疾數月而卒是年當鄭定公之八年距聲

公五年蓋相隔二十七年矣應從左傳

子產者鄭成公少子也○徐孚遠曰按傳子產公子發之子公孫僑非成公少子也

二十二年楚惠王滅陳○哀十七年左傳楚滅陳是年

於聲公為二十三年

共公三年晉滅知伯○六國年表在共公二年

史記卷四十二 考證

謹案卷四十一第八頁後五行六行三曰遺獻栗

篆以空其邦案越絕書遺敵作貴糴

第九頁前六行大夫寺區定粵亂立無余之考竹
書紀年無余之作初無余

第九頁後五行陽翟河陽翟縣也按唐地志及呂
不韋傳注當作河南陽翟縣此脫南字

第九頁後七行今豫州上蔡縣也刊本縣上衍邑

字今刪

第十頁後六行累石為固楚襄王控霸南土刊本
固字訛在楚下推文義改

第十五頁後四行五行古者有母平子子權母而
行案國語平作權

第十七頁前四行括地志云陶朱公冢也案云字
下有脱文

考證第一頁後五行句踐與范蠡入宦於吳刊本
宦訛官據國語改

卷四十二第十七頁後四行子產墓在潩水上刊

本潩訛涇據水經注改

第十八頁後三行故周邑也刊本周訛國據秦本
紀正義改





總校官庶吉士臣侍臣朝

校對官檢討臣王鍾健

謄錄貢生臣張映杓

欽定四庫全書會要

史部

史記卷四十三

詳校官主事銜臣徐以坤



欽定四庫全書

史記卷四十三

史部

史記卷四十三

漢太史令司馬遷撰

宋中郎外兵曹參軍裴駟集解

唐國子博士弘文館學士司馬貞索隱

唐諸王侍讀率府長史張守節正義

趙世家第十三

趙氏之先與秦共祖至中行爲帝大戊御

正義中音仲

其後

世蜚廉有子二人而命其一子曰惡來事紂為周所殺其後為秦惡來弟曰季勝其後為趙季勝生孟增孟增幸於周成王是為宅臯狼

集解徐廣曰或云臯狼地名在西河索隱按如此說是名

孟增號宅臯狼而徐廣云臯狼地名在西河者按地理志臯狼是西河郡之縣名蓋孟增幸於周成王成王居之於臯狼

臯狼生衡父衡父生造父造父幸於周繆王

造父取驥之乘

索隱言造父取八駿品其色齊其力使馴調也並四曰乘兩曰正義乘

與桃林

正義括地志云桃林在陝州桃林縣西至

食證反並四曰乘兩曰正義乘取八駿品其力使均馴

潼闕皆為桃林塞地山海經云夸父之山北有林焉名曰桃林廣闊三百里中多馬造父於此得驥驃驃耳之

乘獻周穆王也 盜驪驛驅綠耳獻之繆王 繆王使造父御西巡
狩見西王母樂之忘歸

索隱穆天子傳曰穆王與西王母觴於瑤池之上作歌是樂而

忘歸也而譙周不信此事而云余嘗聞之代俗以東西陰陽所出入宗其神謂之王父母或曰地名在西域有

何據而徐偃王反

正義括地志云大徐城在泗州徐城縣北三十里古之徐國也

博物志云

徐君宮人娠生卵以為不祥棄於水濱孤獨母有犬名鵠倉銜所棄卵以歸覆煖之遂成小兒生偃王故宮人

聞之更收養之及長襲為徐君後鵠倉臨死生角而九尾實黃龍也鵠倉或名后倉

繆王日馳千

里馬攻徐偃王大破之

索隱譙周曰徐偃王與楚文王同時去周穆王遠矣且王者行

有周衛豈聞亂而獨長駢日行千里乎並言此事非實也

乃賜造父以趙城

正義晉州趙城

縣即造父邑也由此為趙氏自造父已下六世至奄父曰公仲

周宣王時伐戎為御及千畝戰

正義括地志云千畝原在晉州岳陽縣北九十九里

奄父脫宣王奄父生叔帶叔帶之時周幽王無道去也

周如晉事晉文侯始建趙氏于晉國自叔帶以下趙宗

益興五世而生趙夙趙夙晉獻公之十六年伐霍魏耿

而趙夙為將伐霍霍公求犇齊

集解徐廣求一作來

晉大旱卜

之曰霍太山為祟使趙夙召霍君於齊復之以奉霍太

山之祀晉復穰晉獻公賜趙夙耿

索隱今河東夙生共皮氏縣耿鄉

孟當魯閔公之元年也共孟生趙衰字子餘

索隱系本云公明生

共孟及趙夙夙生成季哀哀生宣孟盾左傳云哀趙夙弟而此云共孟生哀譙周亦以此為誤

趙衰卜

事晉獻公及諸公子莫吉卜事公子重耳吉即事重耳

重耳以驪姬之亂亡奔翟趙衰從翟伐廧咎如得二女

翟以其少女妻重耳長女妻趙衰而生盾初重耳在晉

時趙衰妻亦生趙同趙括趙嬰齊趙衰從重耳出亡凡

十九年得反國重耳為晉文公趙衰為原大夫居原任

國政

索隱系本云成季徙原宋忠云今鴈門原平縣也正義括地志云原平故城漢原平縣也在代州崞

縣南三十五里嶧音郭按宋忠說非也括地志云故原城在懷州濟源縣西北二里左傳云襄王以原賜晉文公原不服文公伐原以示信原降以趙文公所以反國哀為原大夫即此也原本周畿內邑也

及霸多趙衰計策語在晉事中趙衰既反晉晉之妻固要迎翟妻而以其子盾為適嗣晉妻三子皆下事之晉襄公之六年而趙衰卒謚為成季趙盾代成季任國政二年而晉襄公卒太子夷臯年少盾為國多難欲立襄公弟雍雍時在秦使使迎之太子母日夜啼泣赤隱移頃首謂趙盾曰先君何罪釋其適子而更求君趙盾患

之恐其宗與大夫襲誅之迺遂立太子是爲靈公發兵
距所迎襄公弟於秦者靈公既立趙盾益專國政靈公
立十四年益驕趙盾驟諫靈公弗聽及食熊蹯肺不熟
殺宰人持其尸出趙盾見之靈公由此懼欲殺盾盾素
仁愛人嘗所食桑下餓人反扞救盾以得亡未出境
而趙穿弑靈公而立襄公弟黑臀是爲成公趙盾復反
任國政君子譏盾爲正卿亡不出境反不討賊故太史
書曰趙盾弑其君晉景公時索隱成公之子名據而趙盾卒謚爲

宣孟子朔嗣趙朔晉景公之三年朔為晉將下軍救鄭與楚莊王戰河上朔娶晉成公姊為夫人晉景公之三年大夫屠岸賈欲誅趙氏集解徐廣曰按年表救初趙鄭及誅滅皆景公三年初趙

盾在時夢見叔帶持要而哭甚悲已而笑拊手且歌盾卜之兆絕而後好趙史援占之曰此夢甚惡非君之身乃君之子然亦君之咎至孫趙將世益衰屠岸賈者始有寵於靈公及至於景公而賈為司寇將作難乃治靈公之賊以致趙盾徧告諸將曰盾雖不知猶為賊首以

臣弑君子孫在朝何以懲臯請誅之韓厥曰靈公遇賊
趙盾在外吾先君以為無罪故不誅今諸君將誅其後
是非先君之意而今妄誅妄誅謂之亂臣有大事而君
不聞是無君也屠岸賈不聽韓厥告趙朔趣亡朔不肯
曰子必不絕趙祀朔死不恨韓厥許諾稱疾不出賈不
請而擅與諸將攻趙氏於下宮殺趙朔趙同趙括趙嬰
齊皆滅其族趙朔妻成公姊有遺腹走公宮匿趙朔客
曰公孫杵臼杵臼謂朔友人程嬰曰胡不死程嬰曰朔

之婦有遺腹若幸而男吾奉之即女也吾徐死耳居無何而朔婦免身生男屠岸賈聞之索於宮中夫人置兒誇中祝曰趙宗滅乎若號即不滅若無聲及索兒竟無聲已脫程嬰謂公孫杵臼曰今一索不得後必且復索之奈何公孫杵臼曰立孤與死孰難程嬰曰死易立孤難耳公孫杵臼曰趙氏先君遇子厚子彊為其難者吾為其易者請先死乃二人謀取他人嬰兒負之衣以文

葆集解徐廣曰葆小兒被曰葆匿山中程嬰出謬謂諸將軍曰嬰不肖

不能立趙孤誰能與我千金吾告趙氏孤處諸將皆喜
許之發師隨程嬰攻公孫杵臼杵臼謬曰小人哉程嬰
昔下宮之難不能死與我謀匿趙氏孤兒今又賣我縱
不能立而忍賣之乎抱兒呼曰天乎天乎趙氏孤兒何
罪請活之獨殺杵臼可也諸將不許遂殺杵臼與孤兒
諸將以為趙氏孤兒良已死皆喜然趙氏真孤乃反在
程嬰卒與俱匿山中居十五年晉景公疾卜之大業之
後不遂者為祟景公問韓厥厥知趙孤在乃曰大業之

後在晉絕祀者其趙氏乎夫自中衍者皆嬴姓也中衍人面鳥啄降佐殷帝大戊及周天子皆有明德下及幽厲無道而叔帶去周適晉事先君文侯至于成公世有立功未嘗絕祀今吾君獨滅趙宗國人哀之故見龜策唯君圖之景公問趙尚有後子孫乎韓厥具以實告於是景公乃與韓厥謀立趙孤兒名而匿之宮中諸將入問疾景公因韓厥之衆以脅諸將而見趙孤趙孤名曰武諸將不得已乃曰昔下宮之難屠岸賈為之矯以君

命并命羣臣非然孰敢作難微君之疾羣臣固且請立趙後今君有命羣臣之願也於是召趙武程嬰徧拜諸將遂反與程嬰趙武攻屠岸賈滅其族復與趙武田邑如故集解徐廣曰推次晉復與趙武田邑是景公之七年也而乃是春秋成公八年經書晉殺其大夫

趙同趙括左傳於此說立趙武事者註云終說之耳非此年也

及趙武冠為成人程嬰

乃辭諸大夫謂趙武曰昔下宮之難皆能死我非不能死我思立趙氏之後今趙武既立為成人復故位我將下報趙宣孟與公孫杵臼趙武啼泣頓首固請曰武願

苦筋骨以報子至死而子忍去我死乎程嬰曰不可彼

以我為能成事故先我死今我不報是以我事為不成

遂自殺趙武服齊哀三年為之祭邑春秋祠之世世勿

絕

集解駟案新序曰程嬰公孫杵臼可謂信友厚士矣
嬰之自殺下報亦過矣正義今河東趙氏祠先人猶

絕

嬰

之

自殺

下報

亦過矣

正義

今河東趙氏祠先人猶

別舒一座趙氏復位十一年而晉厲公殺其大夫三郤

祭

二士矣

趙氏復位十一年而晉厲公殺其大夫三郤

樂書畏及乃遂殺其君厲公更立襄公曾孫周

集解徐廣曰年

表云襄公孫也索隱晉系家云襄公少子名周是為悼公晉由此大夫稍彊趙

武續趙宗二十七年晉平公立平公十二年而趙武為

正卿十三年吳延陵季子使於晉曰晉國之政卒歸於
趙武子韓宣子魏獻子之後矣趙武死謚為文子文子
生景叔索隱系本云景叔之時齊景公使晏嬰於晉
徐廣曰平公十九年晏嬰與晉叔向語嬰曰齊之政後卒歸田
氏叔向亦曰晉國之政將歸六卿六卿侈矣而吾君不
能恤也趙景叔卒生趙鞅是為簡子趙簡子在位晉頃
公之九年簡子將合諸侯成於周其明年入周敬王于
周辟弟子朝之故也晉頃公之十二年六卿以法誅公

集解

族祁氏羊舌氏分其邑為十縣六卿各令其族為之大
夫晉公室由此益弱後十三年魯賊臣陽虎來奔趙簡
子受賂厚遇之趙簡子疾五日不知人大夫皆懼醫扁
鵲視之出董安于問集解韋昭曰安于簡子家臣扁鵲曰血脉治也
而何怪在昔秦繆公嘗如此七日而寤寤之日告公孫
支與子輿索隱二子秦大公孫支子桑曰我之帝所甚樂吾所以久
者適有學也帝告我晉國將大亂五世不妄其後將霸
未老而死霸者之子且令而國男女無別公孫支書而

藏之

索隱藏一作籍籍錄也謂當時即記錄書之於籍也

秦識於是出矣獻公之

亂文公之霸而襄公敗秦師於殽而歸縱淫此子之所

聞今主君之疾與之同不出三日疾必間間必有言也

居二日半簡子寤語大夫曰我之帝所甚樂與百神游

於鈞天廣樂九奏萬舞不類三代之樂其聲動人心有

一熊欲來援我帝命我射之中熊熊死又有一羆來我

又射之中羆羆死帝甚喜賜我二笥皆有副吾見兒在

帝側帝屬我一翟犬曰及而子之壯也以賜之帝告我

晉國且世衰七世而亡

正義謂晉定公出公哀公幽公烈公孝公靜公為七世靜公二年為三晉所滅據此及年表

簡子之疾在定公十一年嬴姓將大敗周人於范魁

之西

正義嬴趙姓也周人謂衛也晉亡之後趙成侯三年取衛都鄙七十三是也賈逵云川阜曰魁也

而亦不能有也

索隱范魁地名不

知所在蓋趙地也今余思虞舜之勲達

余將以其胄女孟姚配而七世之孫

索隱即姓嬴吳廣之女姚姓孟字也

七代孫武董安于受言而書藏之以扁鵲言告簡子簡靈王也

子賜扁鵲田四萬畝他日簡子出有人當道辟之不去

從者怒將刃之當道者曰吾欲有謁於主君從者以聞

簡子召之曰謹吾有所見子晰也

索隱簡子見當道者乃寤曰嘻是故吾前

夢所見者知其當道者名曰子晰也當道者曰屏左右願有謁簡子屏人當

道者曰主君之疾臣在帝側簡子曰然有之子之見我

我何為當道者曰帝令主君射熊與羆皆死簡子曰是

且何也當道者曰晉國且有大難主君首之帝令主君

滅二卿夫熊與羆皆其祖也

正義范氏中行氏之祖也

簡子曰帝賜

我二笥皆有副何也

正義副謂皆子姓也

當道者曰主君之子將

克二國於翟皆子姓也

正義謂及智氏也

簡子曰吾見兒在帝

側帝屬我一翟犬曰及而子之長以賜之夫兒何謂以

賜翟犬當道者曰兒主君之子也翟犬者代之先也主

君之子且必有代及主君之後嗣且有草政而胡服正義

謂今時服也廢除表裳也

并二國於翟

正義武靈王畧中山地至寧西畧胡地至樓煩榆中是

也簡子問其姓而延之以官當道者曰臣野人致帝命

耳遂不見簡子書藏之府異日姑布子卿見簡子

司馬集解

彪曰姑布子卿字簡子徧名諸子相之子卿曰無為將軍者簡

子曰趙氏其滅乎子卿曰吾嘗見一子於路殆君之子

也。簡子名子毋卹。毋卹至，則子卿起曰：「此真將軍矣！」簡子曰：「此其母賤翟婢也。奚道貴哉？」子卿曰：「天所授，雖賤必貴。」自是之後，簡子盡召諸子與語。毋卹最賢，簡子乃告諸子曰：「吾藏寶符於常山上，先得者賞。」諸子馳之，常山上求無所得。毋卹還，曰：「已得符矣。」簡子曰：「奏之。」毋卹曰：「從常山上臨代，代可取也。」正義地道記云：恒山在上曲陽縣西北百四十里北行四百五十里，得恒山峽口。 號飛狐口，北則代郡也。簡子於是知毋卹果賢，乃廢太子伯魯而以毋卹為太子。後二年，晉定公之十四年。

范中行作亂明年春簡子謂邯鄲大夫午曰歸我衛士

五百家吾將置之晉陽

集解服虔曰往年趙鞅圍衛衛人恐懼故貢五百家鞅置之邯鄲

鄲又欲更立午許諾歸而其父兄不聽

集解服虔曰午之徙於晉陽

長倍言趙鞅捕午囚之晉陽乃告邯鄲人曰我私有誅

午也諸君欲誰立

集解杜預曰午趙鞅同族別封邯鄲故使邯鄲人更立午宗親也

遂

殺午趙稷涉賓以邯鄲反

集解服虔曰稷午子

晉君使籍秦圍邯

鄆

集解駟案左傳曰籍秦此時為上軍司馬索隱系本籍秦大夫籍游之孫籍談之子

荀寅范

吉射與午善

集解駟案左傳曰午荀寅之甥荀寅范吉射之姻索隱系本云晉大夫逝遊生桓伯

林父林父生宣伯庚庚生獻伯偃偃生穆伯吳吳生宣
本姓荀自荀偃將中軍晉改中軍曰中行因氏焉元與
智氏同祖逝遨故智氏亦稱荀范氏晉大夫隰叔之子
士萬之後萬生成伯缺缺生武子會會生文叔燮燮生
宣叔匄匄生獻子不肯助秦而謀作亂董安于知之十
鞅鞅生吉射也

月范中行氏

正義按會食邑於范因為范氏又中行寅

氏元與智氏因承襲道姓荀氏

偃將中軍為中行因號中行

荀寅仇人魏襄等謀逐荀寅以梁嬰父代之

集解服虔曰范荀蹠言於

晉大遂吉射以范皋繹代之

集解服虔曰范氏之側室子

荀蹠

智文子索隱系本云逝遨生莊子首生武子肇肇生莊子朔朔生悼子盈

晉侯曰

集解服虔曰荀蹠智文子索隱系本云逝遨生莊子首生武子肇肇生莊子朔朔生悼子盈

盈生文子櫟櫟生宣
子申申生智伯瑞

君命大臣始亂者死今三臣始亂

集解賈逵曰
范中行趙也而獨逐鞅用刑不均請皆逐之十一月荀

躡韓不佞魏哆奉公命以伐范中行氏

索隱不佞韓簡
子哆魏簡子系

本名不克范中行氏反伐公公擊之范中行敗走丁未
取也

二子奔朝歌

索隱范吉
射荀寅也

韓魏以趙氏為請

集隱服虔曰
以其罪輕於

荀范也正義按趙鞅被范中行伐乃奔晉
陽以其罪輕故韓魏為請晉君而得入

十二月辛未

趙鞅入絳盟于公宮其明年知伯文子謂趙鞅曰范中
行雖信為亂安于發之是安于與謀也晉國有法始亂

者死夫二子已伏罪而安于獨在趙鞅患之安于曰臣
死趙氏定晉國寧吾死晚矣遂自殺趙氏以告知伯然
後趙氏寧孔子聞趙簡子不請晉君而執邯鄲午保晉
陽故書春秋曰趙鞅以晉陽畔趙簡子有臣曰周舍好
直諫周舍死簡子每聽朝常不悅大夫請皋簡子曰大
夫無罪吾聞千羊之皮不如一狐之腋諸大夫朝徒聞
唯唯不聞周舍之鄂鄂是以憂也

集解 駟案韓詩外傳
曰周舍立於門下三

日三夜簡子使問之曰子欲見寡人何事對曰願為鄂
鄴之臣墨筆操牘從君之過而日有記月有成歲有效

也簡子由此能附趙邑而懷晉人晉定公十八年趙簡子圍范中行于朝歌中行文子奔邯鄲索隱荀寅也

靈公卒簡子與陽虎送衛太子蒯聵于衛衛不內居戚

正義括地志云故戚城在相州澇水縣東三十里杜預云戚衛邑在頓丘縣西有戚城是也

晉定公

二十一年簡子拔邯鄲中行文子奔栢人簡子又圍栢

人中行文子范昭子遂奔齊索隱吉射也趙竟有邯鄲栢人

范中行餘邑入于晉趙名晉卿實專晉權奉邑侔於諸

侯晉定公三十年定公與吳王夫差爭長於黃池趙簡

子從晉定公卒長吳定公三十七年卒而簡子除三年
之喪期而已是歲越王勾踐滅吳晉出公十一年知伯
伐鄭趙簡子疾使太子毋卹將而圍鄭知伯醉以酒灌
擊母卹母卹羣臣請死之母卹曰君所以置母卹為能
忍訥然亦愠知伯知伯歸因謂簡子使廢母卹簡子不
聽母卹由此怨知伯晉出公十七年簡子卒集解張華
曰趙簡子

太子毋卹代立是為襄子趙襄子元

冢在臨水界二家
並上氣成樓閣

年越圍吳正義年表及趙世家云左傳越滅吳在簡子
三十五年已在襄子元年前十五年矣何得

更有越圍吳之事從此以下至問襄子隆喪食使楚隆
吳王是三十年事文脫誤在此耳襄子隆喪食使楚隆
問吳王正義左哀公二十年傳云簡子死襄子嗣立以
越圍吳故降父之祭饌而使楚隆慰問王為哀
公十三年簡子在黃池之役與吳王質言曰好惡同之
故減祭饌及問吳王也而趙世家及六國年表云此年
晉定公卒簡子除三年之喪服期而已按襄子弟前為
簡子死及使吳年月皆誤與左傳文不同
代王夫人簡子既葬未除服北登夏屋集解徐廣曰山在廣武正義括地志云夏屋山一名賈屋山今名賈母山在代州雁門縣東北三十五里夏屋與句注山相接蓋北方之險矣
天下之阻路所請代王使厨人操銅料正義音斗合作以分別内外也料其形方有柄
取斟水器說以食代王及從者行斟陰令宰人各集解徐廣

曰一以料擊殺代王及從官遂興兵平代地其姊聞之泣而呼天摩笄自殺代人憐之所死地名之為摩笄之山正義笄今簪也括地志云摩笄山一名磨笄山亦名
為山在蔚州飛狐縣東北百五十里魏土地記云代
郡東南二十五里有馬頭山趙襄子既殺代王使人迎
其姊代王夫人曰以弟慢夫非仁也以夫怨弟非義也磨笄自殺而死遂以代封伯魯子周為代成君伯魯者使者亦自殺也

襄子兄故太子太子蚤死故封其子襄子立四年知伯與趙韓魏盡分其范中行故地晉出公怒告齊魯欲以伐四卿四卿恐遂共攻出公出公奔齊道死知伯乃立

昭公曾孫驕是為晉懿公

索隱或作哀公其大父名知雍即昭公少子號戴子也

伯益驕請地韓魏韓魏與之請地趙趙不與以其圍鄭

之辱知伯怒遂率韓魏攻趙趙襄子懼乃奔保晉陽原

過從後至於王澤

正義括地志云王澤在絳州正平縣南七里也

見三人自帶

以上可見自帶以下不可見與原過竹二節莫通曰為

我以是遺趙母卽原過既至以告襄子襄子齋三日親

自剖竹有朱書曰趙母卽余霍泰山

集解徐廣曰在河東永安縣

山

陽侯天使也三月丙戌余將使女反滅知氏女亦立我

百邑余將賜女林胡之地至于後世且有伉王亦黑龍

面而鳥啄鬢麋鼯頓大膺大胷脩下而馮左祚界乘

集解

徐廣曰脩或作隨界一作介

奄有河宗

正義穆天子傳云河宗之子孫則柏絮按蓋在龍門河之

上流嵐勝二州之地也

至于休溷諸貉

正義音陌自河宗休溷諸貉乃戎狄之地也

南

伐晉別

正義趙南伐晉之別邑謂韓魏之邑也

北滅黑姑

正義亦戎國

襄子再

拜受三神之令三國攻晉陽歲餘引汾水灌其城城不

浸者三版

正義何休云八尺曰版

城中懸釜而炊易子而食羣臣

皆有外心禮益慢唯高共

集解徐廣曰一作赫

不敢失禮襄子懼

乃夜使相張孟同私於韓魏

索隱戰國策作張孟談談遷之父名遷例改為

同韓魏與合謀以三月丙戌三國反滅知氏共分其地

於是襄子行賞高共為上張孟同曰晉陽之難唯共無

功襄子曰方晉陽急羣臣皆懈唯共不敢失人臣禮是

以先之於是趙北有代南并知氏彊於韓魏遂祠三神

於百邑使原過主霍泰山祠祀

正義括地志云三神祀今名原過祠今在霍山

側其後娶空同氏

正義括地志云崆峒山在肅州福祿縣東南六十里古西戎地又原州平

高縣西百里亦有崆峒山即黃帝問廣成子道處俱是西戎地未知孰是

生五子襄子為伯

魯之不立也不肯立子且必欲傳位與伯魯子代成君

成君先死乃取代成君子起即襄

索隱代成君名周伯魯之子系

本云代成君子起即襄
子之子不云伯魯非也

襄子立三十三年卒浣立是為

獻侯獻侯少即位治中牟

集解駟案地理志云河南中
牟縣趙獻侯自取徙此贊曰

中牟在春秋之時是鄭之疆內也及三鄉分晉則在魏

之邦土也趙界自漳水以北不及此春秋傳曰衛侯如

晉過中牟按中牟非衛遠晉之次也汲郡古文曰齊師

伐趙東鄙屬中牟此中牟不在趙之東也按中牟當崇

水之北索隱此趙中牟在河北非鄭之中牟正義按五

鹿在魏州元城縣東十二里鄆即相州湯陰縣西五十

八里有牟山蓋中
牟邑在此山側也

襄子弟桓子遂獻侯自立於代

索隱系本

云襄子子桓一年卒國人曰桓子立非襄子意乃共殺子與此不同

其子而復迎立獻侯十年中山武公初立

集解徐廣曰西周桓公之

子桓公者考王弟而定王子索隱中山古鮮虞國姬姓也系本云中山武公居顧桓公徙靈壽為趙武靈王所滅不言誰之子孫徐廣云西周桓公之子亦無所據蓋未得其實

十三年城平邑

集解駟案

地理志云代十五年獻侯卒子烈侯籍立烈侯元年魏郡有平邑縣

文侯伐中山使太子擊守之六年魏韓趙皆相立為諸侯追尊獻子為獻侯烈侯好音謂相國公仲連曰寡人

有愛可以貴之乎公仲曰富之可貴之則否烈侯曰然

夫鄭歌者槍石二人

索隱槍音七羊反
與石二人名

吾賜之田人萬

畝公仲曰諾不與居一月烈侯從代來問歌者田公仲
曰求未有可者有頃烈侯復問公仲終不與乃稱疾不

朝番吾君

集解徐廣曰番音盤常山有番吾縣正義括地志云番吾故城在恒州房山縣東二十里

番蒲古今音異耳

自代來謂公仲曰君實好善而未知所持今

公仲相趙於今四年亦有進士乎公仲曰未也番吾君
曰牛畜荀欣徐越皆可公仲乃進三人及朝烈侯復問
歌者田何如公仲曰方使擇其善者牛畜侍烈侯以仁

義約以王道烈侯遁然

正義音由古字與攸同言牛畜以仁義約以王道故止歌者

田攸攸氣行明日荀欣侍以選練舉賢任官使能明日貌寬緩也

徐越侍以節財儉用察度功德所與無不充君說烈侯使使謂相國曰歌者之田且止官牛畜為師荀欣為中

尉徐越為內史

正義漢書百官公卿表云少府

賜相國

衣二襲

單複具一襲

九年烈侯卒弟武公立

索隱譙周云系本及說趙語者

並無其事蓋別有所據

武公十三年卒趙復立烈侯太子章是為

敬侯是歲魏文侯卒敬侯元年武公子朝作亂不克出

奔魏趙始都邯鄲二年敗齊于靈丘

集解馴案地理志云代郡有靈丘縣

三年救魏于廩丘大敗齊人四年魏敗我兔臺築剛平

正義兔臺剛平並在河北以侵衛五年齊魏為衛攻趙取我剛平六年

年借兵於楚伐魏取棘蒲

正義今趙州平棘縣古棘蒲邑也

八年拔魏

黃城

集解杜預曰陳留外黃縣東有黃城正義括地志云故黃城在魏州冠氏縣南因黃溝為名按陳留

外黃城非別也九年伐齊齊伐燕趙救燕十年與中山戰于

房子

正義趙州房子縣是

十一年魏韓趙共滅晉分其地伐中山

又戰於中人

集解徐廣曰中山唐縣有中人亭正義括地志云中山故城一名中人亭在定州唐

縣東北四十一里春秋十二年敬侯卒子成侯種立成時鮮虞國之中人邑也

春秋

十二年敬侯卒子成侯種立成

侯元年公子勝與成侯爭立為亂二年六月雨雪三年大戊午為相

集解徐廣曰集解徐廣曰

伐衛取鄉邑七十三魏敗我

閭

正義地理志云屬西河郡也

四年與秦戰高安

正義蓋在河東云敗之五年

伐齊于鄆

正義濮州鄆城縣是

魏敗我懷攻鄭敗之以與韓韓與

我長子

集解駟案地理志云上黨有長子縣

六年中山築長城伐魏敗涿

澤

正義涿音濁徐廣云長杜有濁澤非也括地志云濁

水出蒲州解縣東北平地兩時魏都安邑韓趙伐

魏豈河南至長杜也解縣

水近於魏都當是也

圍魏惠王七年侵齊至長城

正義齊長城西頭在濰州平陰縣太山記云太山西北
有長城緣河經太山千餘里瑯琊入海括地志云所侵
處在密州南與韓攻周八年與韓分周以為兩集解徐
三十里也廣曰顯王二年周紀無此正義括地志云史記周顯王二年西
周惠公封少子子班於鞏為東周其子武公為秦所滅
郭緣生述征記云九年與齊戰阿下集解徐廣曰戰亦
鞏縣本周鞏伯邑作會也正義阿東
阿也今濟州十年攻衛取甄十一年秦攻魏趙救之石
東阿縣也

阿正義蓋在石隰等州界也十二年秦攻魏少梁

正義少梁故城在同州韓城縣南二

十二里古趙救之十三年秦獻公使庶長國伐魏少梁
少梁國也

虜其太子痤魏敗我滬取皮牢

集解徐廣曰魏年表曰取趙皮牢正義括地志

云滄水縣在絳州翼城縣東南二十五里按皮牢當在滄之側

成侯與韓昭侯遇上黨

十四年與韓攻秦十五年助魏攻齊十六年與韓魏分

晉封晉君以端氏

集解徐廣曰在平陽正義端氏澤州縣也

十七年成侯與

魏惠王遇葛孽

集解徐廣曰在馬邱表曰十八年趙孟如齊

十九年與齊宋

會平陸

正義兗州縣也陸城即古厥國也

平與燕會阿

正義括地志云故葛城一名依城又

過其西

又徂經其北曲曰阿以齊有東阿故曰西阿城

西阿城在瀛州高陽縣西北五十里

以徐兗二水並

地理志云瀛州屬河間

趙分也按燕趙即此地

二十年魏獻榮椽因以為檀臺

集解徐廣曰襄國縣有檀臺索隱劉氏云榮椽蓋地名其中有高處可以為臺非也按榮椽是良材可為椽登

飾有光榮所以魏獻之故趙因用之以為檀臺正義鄭
玄云榮屋翼也說文云椽棖也屋栱之兩頭起者為榮
也括地志云檀臺在洛州臨洛縣北二里二十一年魏圍我邯鄲二十二年

魏惠王拔我邯鄲齊亦敗魏於桂陵正義括地志云故
桂城在曹州乘氏

縣東北二十一里故二十四年魏歸我邯鄲與魏盟漳
老云此即桂陵也

水上秦攻我蘭二十五年成侯卒公子縵音與太子肅

侯爭立索隱系本云縵敗亡奔韓肅侯元年奪晉君端

氏徙慶屯留正義括地志云屯留故城在潞州長
子縣東北三十里本漢屯留縣城也二年

與魏惠王遇於陰晉正義地理志云華陰縣魏之陰晉
秦惠文王更名寧秦高帝更名華

陰今屬華州三年公子范襲邯鄲不勝而死四年朝天子六年

攻齊拔高唐七年公子刻攻魏首垣正義蓋在河北也十一

年秦孝公使商君伐魏虜其將公子卬趙伐魏十二年

秦孝公卒商君死十五年起壽陵集解徐廣云在常州魏惠王卒

十六年肅侯游大陵

集解徐廣曰太原有大陵縣亦曰陵正義括地志云大陵城在并州

里漢大陵縣城出於鹿門

正義并州盂縣西有白鹿泓源出自白鹿山南者蓋鹿門在

北山水之側也

大戊午扣馬

集解呂忱曰扣牽馬

曰耕事方急一日不作

百日不食肅侯下車謝十七年圍魏黃不克

集解駟案地理志云

山陽有黃縣正義黃城在魏州

正義劉伯莊云

前拔之却爲魏今趙圍之矣

築長城蓋從雲中以北

至代按趙長城從蔚州北

西至嵐州北盡

十八年

齊魏

趙界人疑此長城

在潭水之北趙南界

伐我我決河水灌之兵去二十二年張儀相秦趙疵與

秦戰敗秦殺疵河西取我蘭離石二十三年韓舉

集解徐廣云

曰韓與齊魏戰死于桑丘

集解駟案地理志云泰山有

桑丘縣正義括地志云桑丘

城在易州遂城縣界或云在泰山非也此時齊伐燕桑丘三晉皆來救之不得在泰山有桑丘縣此說甚誤也

二十四年肅侯卒秦楚燕齊魏出銳師各萬人來會葬

子武靈王立

索隱名雍

武靈王元年

集解徐廣云

魏敗我趙護

年表陽文

君趙豹相梁襄王與太子嗣韓宣王與太子倉來朝信

宮

正義在洛州臨洛縣也

武靈王少未能聽政博聞師三人左右

司過三人及聽政先問先王貴臣肥義加其秩國三老

年八十月致其禮三年城鄗四年與韓會于區鼠蓋在

河北五年娶韓女為夫人八年韓擊秦不勝而去五國相

王趙獨否曰無其實敢處其名乎令國人謂已曰君九

年與韓魏共擊秦秦敗我斬首八萬級齊敗我觀澤正義

括地志云觀澤故城在魏州頓丘縣東十八里也十年秦取我西都及中陽

集解

徐廣曰年表云秦取中都西陽安邑十一年秦齊破燕敗我將軍英太原有中都縣西河有中陽縣

燕相子之為君君反為臣十一年王召公子職於韓立

以為燕王

集解徐廣曰紀年六云爾

使樂池送之

集解駟案燕世家子之死後燕人共

立太子平是為燕昭王

無趙送公子職為燕王雖使樂池送之竟不能就

是趙間燕亂遙立職為燕王

索隱燕系家無其事蓋是疎也今此云使樂池送之必

是憑舊史為說且紀年之書其說又同則裴駟之解得

其音足婢反

十三年秦拔我閿虜將軍趙莊

正義莊一作

楚魏王

旨

來過邯鄲十四年趙何攻魏十六年秦惠王卒王遊大

陵他日王夢見處女鼓琴而歌詩曰美人熒熒兮顏若

荅之榮

集解摹母遂曰陵荅之草其華紫正義荅音條毛詩疏云荅饒也幽州謂之翹饒蔓似勞豆而

細葉似蒺藜而青其華細綠色可生食味如小豆藿也

又本草經曰陵荅生下濕水中

七月生華紫草可以染

帛煮沐頭

髮即黑也

命乎命乎曾無我羸

集解摹母遂曰言有命祿生遇其時人莫知已

貴盛盈端也正義按命名也

羸姓羸也言世衆名異日

其美好曾無我好羸也

重言名乎者以談說衆也異日

王飲酒樂數言所夢想見其狀吳廣聞之因夫人而內

其女娃羸也

集解方言曰娃美吳有館娃之宮

孟姚也

集解徐廣曰古史考云內其女曰娃

索隱孟姚吳廣女舜之後故上文云余思虞舜之勲故

命其胄女孟姚以配而七代之孫是也舜後封虞在河

東太陽山西有上虞城是亦曰吳城虞吳音

相近故舜後亦姓吳非獨太伯虞仲之裔

孟姚甚有

寵於王是為惠后十七年王出九門

集解徐廣曰在常山正義本戰國時

趙邑戰國策云本有宮室為野臺而居趙武靈王改為九門

野臺

集解徐廣曰野一作望正義括地志云野

臺一名義臺在定州樂縣西南六十三里

以望齊中山之境十八年秦武王

與孟說舉龍文赤鼎絕臘而死

集解徐廣曰一作絕暝音亡丁反

趙王

使代相趙固迎公子稷於燕送歸立為秦王是為昭王

十九年春正月大朝信宮召肥義與議天下五日而畢

王北畧中山之地至於房子

正義趙州縣也

遂之代北至無窮

西至河登黃華之上

正義黃華蓋山西側之山名也

召樓緩謀曰我先

王因世之變以長南藩之地屬阻漳滏之險立長城又

取藺郭狼敗林人

正義即於莊而功未遂今中山在我林胡也

於莊而功未遂今中山在我

腹心北有燕

正義地理

志云趙分晉北有信都中山又

得涿郡之高陽鄭州鄉東有清河河間又

得渤海郡東平舒等五縣

東有胡

正義趙東有瀛州之

在河以北故言北有燕

胡烏丸之地服虔云東胡

西有林胡樓煩秦韓之邊

正義烏丸之後為鮮卑也

林胡樓煩即嵐勝之北也嵐勝以南石州離石蘭等七

國時趙邑邊也秦隔河也晉洛潞澤等州皆七

國時韓

地為並趙而無彊兵之救是亡社稷奈何夫有高世之

西境也

名必有遺俗之累吾欲胡服樓緩曰善羣臣皆不欲於

是肥義侍王曰簡襄主之烈計胡翟之利為人臣者寵

有孝悌長幼順明之節通有補民益主之業

正義寵貴
寵也通達

理也凡為人臣有孝弟長幼順明之節制者得貴寵也有補民益主之功業者為達理也

此兩者臣

之分也今吾欲繼襄王之跡開於胡翟之鄉而卒世不

見也

正義卒子律反盡也言盡世間不見補民益主之忠臣也

為敵弱

正義我為胡服敵人必困

弱用力少而功多可以毋盡百姓之勞而序往古之勲

正義序重也往古謂趙簡子襄子也夫有高世之功者負遺俗之累

正義負留

也言古周公孔子留衣冠禮義之俗今變為胡服是負留風俗之謹累也

有獨智之慮者任

驚民之怨

正義言世有獨計智之思慮者必任隱逸教慢之民怨望也

今吾將胡服

騎射以教百姓而世必議寡人奈何肥義曰臣聞疑事無功疑行無名王既定負遺俗之慮殆無顧天下之議矣夫論至德者不和於俗成大功者不謀於衆昔者舜舞有苗禹袒裸國非以養欲而樂志也務以論德而約功也愚者闇成事智者覩未形則王何疑焉王曰吾不疑胡服也吾恐天下笑我也狂夫之樂智者哀焉愚者所笑賢者察焉世有順我者胡服之功未可知也雖驅

世以笑我胡地中山吾必有之於是遂胡服矣使王縲告公子成曰寡人胡服將以朝也亦欲叔服之家聽於親而國聽於君古今之公行也子不反親臣不逆君兄弟之通義也

集解徐廣曰兄弟一作元夷元始也夷平也

今寡人作教易服

而叔不服吾恐天下議之也制國有常利民為本從政有經令行為上明德先論於賤而行政先信於貴今胡服之意非以養欲而樂志也事有所止而功有所出

集解

駟案出猶成也正義鄭玄云止至也事成功立然後善也今寡人恐叔之

逆從政之經以輔叔之議且寡人聞之事利國者行無
邪因貴戚者名不累故願慕公叔之義以成胡服之功
使縲謁之叔索隱絕句請服焉公子成再拜稽首曰臣固聞
王之胡服也臣不佞寢疾未能趨走以滋進也王命之
臣敢對因竭其愚忠曰臣聞中國者蓋聰明徇智之所
居也集解徐廣曰五帝本紀曰幼而徇齊萬物財用之所聚也賢聖之所
教也仁義之所施也詩書禮樂之所用也異敏技能之
所試也遠方之所觀赴也蠻夷之所義行也今王舍此

而襲遠方之服變古之教易古之道逆人之心而拂學
者離中國故臣願王圖之也使者以報王曰吾固聞叔
之疾也我將自往請之王遂往之公子成家因自請之
曰夫服者所以便用也禮者所以便事也聖人觀鄉而
順宜因事而制禮所以利其民而厚其國也夫翦髮文
身錯臂左衽索隱錯臂亦文身謂以丹青錯畫其臂孔衍作右臂左衽謂右袒其臂也謂之甌越
之民也索隱劉氏云今珠崖儋耳謂之甌人是有甌越正義按屬南越故言甌越也輿地志云交趾周時為駱越秦時曰西甌文身斷髮避龍則西甌駱又在番吾之西南越及甌駱皆芊姓也世本云越芊姓也與

楚同祖黑齒雕題

集解劉達曰以草染齒用白作黑鄭玄曰雕文謂刻其肌以青丹涅之

却冠紩紩

集解徐廣曰戰國策作紩縫紩亦縫紩之別名也鉢者綦鍼也古字多假借故作紩紩耳

此蓋言其女功鍼縷之麤拙也又一本作鮑冠黎縷也

大吳之國也故禮服莫同

其便一也鄉異而用變事異而禮易是以聖人果可以

利其國不一其用果可以便其事不同其禮儒者一師

而俗異中國同禮而教離況於山谷之便乎故去就之

變智者不能一遠近之服賢聖不能同窮鄉多異曲學

多辯不知而不疑異於己而不非者公焉而衆求盡善

也今叔之所言者俗也吾所言者所以制俗也吾國東

有河薄洛之水

集解徐廣曰安平經縣西有漳水津名薄洛津

與齊中山同之

正義爾時齊與中山相親中山趙共薄洛水故言與齊中山同之

須有舟楫之備

無舟楫之用

自常山以至代上黨

集解徐廣曰一云自常山以下代上黨以東

東有燕東

胡之境而西有樓煩秦韓之邊今無騎射之備故寡人

無舟楫之用夾水居之民將何以守河薄洛之水變服

騎射以備燕三胡秦韓之邊

索隱林胡樓煩東胡是三胡也

且昔者簡

主不塞晉陽以及上黨而襄主并戎取代以攘諸胡此

愚智所明也先時中山負齊之彊兵侵暴吾地係累吾民引水圍鄗微社稷之神靈則鄗幾於不守也先王醜之而怨未能報也今騎射之備近可以便上黨之形而遠可以報中山之怨而叔順中國之俗以逆簡襄之意惡變服之名以忘鄗事之醜非寡人之所望也公子成再拜稽首曰臣愚不達於王之義敢道世俗之間臣之臯也今王將繼簡襄之意以順先王之志臣敢不聽命乎再拜稽首乃賜胡服明日服而朝於是始出胡服令

也趙文趙造周詔

集解徐廣曰戰國策作紹詔音紹

趙俊皆諫止王母

胡服如故法便王曰先王不同俗何古之法帝王不相

襲何禮之循處戲神農教而不誅黃帝堯舜誅而不怒

及至三王隨時制法因事制禮法度制令各順其宜衣

服器械各便其用故禮也不必一道而便國不必古聖

人之興也不相襲而王夏殷之衰也不易禮而滅然則

反古未可非而循禮未足多也且服奇者志淫則是鄒

魯無竒行也

索隱按鄒魯好長纓是竒服也服非其志皆淫辟也而有孔門顏冉之屬豈是無竒

行俗辟者民易則是吳越無秀士也

索隱言方俗辟處山谷而人皆改易

不通大化則是吳越無秀士何得有延州來及大夫種之屬哉

且聖人利身謂之服便

事謂之禮夫進退之節衣服之制者所以齊常民也非

所以論賢者也故齊民與俗流賢者與變俱故諺曰以

書御者不盡馬之情以古制今者不達事之變循法之

功不足以高世法古之學不足以制今子不及也遂胡

服招騎射二十年王略中山地至寧葭

索隱一作蔓葭縣名在中山也

西畧胡地至榆中

正義勝州北河岸也

林胡王獻馬歸使樓緩

之秦仇液之韓王賁之楚富丁之魏趙爵之齊代相趙
固主胡致其兵二十一年攻中山趙詔為右軍許鈞為
左軍公子章為中軍王并將之牛翦將車騎趙希并將
胡代趙與之陘

集解徐廣曰一作陸又作陘或宜言趙與之陘陘者山絕之名常山有井陘中

山有苦陘上黨有閼與正義與音余陘音荆陘陘山也在并州井陘縣東南十八里然趙希并將代趙之兵與諸

軍向井陘之側共出定州上曲陽合軍曲陽

集解徐廣曰上曲陽

縣合軍攻取丹丘華陽鴻上之關合軍曲陽在常山下曲陽在鉅鹿正義括地志云上曲陽故城在定州曲陽縣西五里按合軍曲陽即上曲陽也以在常山郡攻取丹丘正義蓋邢州華陽正義括地志云北岳也

府二曰列女宮三曰華陽臺四曰紫臺五曰太鷗之塞
一宮按北岳恒山在定州恒陽縣北百四十里
正義上昌之反下先代反徐廣曰鷗一作鴻鴻上故關
今名汝城在定州唐縣東北六十里本晉鴻上關城也
又有鴻上水源出唐縣北葛洪山接北岳恒
山與鴻上塞皆在定州然一本作鳴字誤也
王軍取鄗
石邑集解徐廣曰在常山正義括地志云石邑故封龍
城在恒州鹿泉縣南三十五里六國時舊邑封龍
正義括地志云封龍山一名飛龍山在東垣中山獻四
恒州鹿泉縣南四十五里邑因山爲名
呂請和王許之罷兵二十三年攻中山二十五年惠后
卒索隱謂武靈王之后前太子章之母惠文王之嫡母也惠后卒後吳娃始當正室至孝成二年稱惠文后
卒是也而下文又云吳娃死後娃子何寵哀憐故太子欲兩王之是誤也
使周祔胡服傳王

子何二十六年復攻中山攘地北至燕代西至雲中九
原二十七年五月戊申大朝於東宮傅國立王子何以
為王王廟見禮畢出臨朝大夫悉為臣肥義為相國并
傳王是為惠文王惠文王惠后吳娃子也武靈王自號
為主父主父欲令子主治國而身胡服將士大夫西北
略胡地而欲從雲中九原直南襲秦於是詐自為使者
入秦秦昭王不知已而怪其狀甚偉非人臣之度使人
逐之而主父馳已脫關矣審問之乃主父也秦人大驚

主父所以入秦者欲自略地形因觀秦王之為人也惠

文王

集解徐廣曰元年以公子勝爲相封平原

二年主父行新地遂出代西

遇樓煩王於西河而致其兵三年滅中山遷其王於膚

施

集解徐廣曰在上郡正義今延州膚施縣也

起靈壽

集解徐廣曰在常山

北地方從

代道大通還歸行賞大赦置酒酺五日封長子章為代

安陽君

正義括地志云東安陽故城在朔州定襄縣界地理志云東安陽縣屬代郡

章素侈

心不服其弟所立主父又使田不禮相章也李克謂肥
義曰公子章彊壯而志驕黨衆而欲大殆有私乎田不

禮之為人也忍殺而驕二人相得必有謀陰賊起一出
身徼幸夫小人有欲輕慮淺謀徒見其利而不顧其害
同類相推俱入禍門以吾觀之必不久矣子任重而勢
大亂之所始禍之所集也子必先患仁者愛萬物而智
者備禍於未形不仁不智何以為國子奚不稱疾母出
傳政於公子成母為怨府母為禍梯肥義曰不可昔者
主父以王屬義也曰毋變而度毋異而慮堅守一心以
歿而世義再拜受命而籍之今畏不禮之難而忘吾籍

變孰大焉進受嚴命退而不全負孰甚焉變負之臣不

容於刑諺曰死者復生生者不愧

正義肥義報李兑云必盡傳何為王不可

懼章及田不禮而生異心使死者復更變生并見在生者並見傳王無變生我不愧之若苟息也

吾言

已在前矣吾欲全吾言安得全吾身且夫貞臣也難至

而節見忠臣也累至而行明子則有賜而忠我矣雖然

吾有語在前者也終不敢失李兑曰諾子勉之矣吾見

子已今年耳涕泣而出李兑數見公子成以備田不禮

之事異日肥義謂信期曰

索隱即下文高信期也正義上音申也

公子與田

不禮甚可憂也其於義也聲善而實惡此為人也不子
不臣吾聞之也姦臣在朝國之殘也讒臣在中主之蠹
也此人貪而欲大內得主而外為暴矯令為慢以擅一
旦之命不難為也禍且逮國今吾憂之夜而忘寐飢而
忘食盜賊出入不可不備自今以來若有召王者必見
吾面我將先以身當之無故而王乃入信期曰善哉吾
得聞此也四年朝羣臣安陽君亦來朝主父令王聽朝
而自從旁觀窺羣臣宗室之禮見其長子章儼然也反

北面為臣詆於其弟心憐之於是乃欲分趙而王章於代計未決而輒主父及王游沙丘異宮正義在邢州平鄉縣東北二十里公子章即以其徒與田不禮作亂詐以主父令召王肥義先入殺之高信即與王戰公子成與李兑自國至乃起四邑之兵入距難殺公子章及田不禮滅其黨賊而定王室公子成為相號安平君李兑為司寇公子章之敗往走主父主父開之索隱開謂開門而納之俗本亦作聞者非也譙周及孔行其反叛之罪容其入宮閉藏也成兒因圍主父宮公

子章死公子成李兑謀曰以章故圍主父即解兵吾屬
夷矣乃遂圍主父令宮中人後出者夷宮中人悉出主
父欲出不得又不得食探爵鷇而食之

集解應劭曰武靈
集解墓母還曰
穀爵子也索隱

生受哺者謂之穀

王墓代郡靈丘縣主

三月餘而餓死沙丘宮

父定死乃發喪赴諸侯是時王少成兑專政畏誅故圍
主父主父初以長子章為太子後得吳娃愛之為不出

者數歲生子何乃廢太子章而立何為王吳娃死愛弛
憐故太子欲兩王之猶豫未決故亂起以至父子俱死

為天下笑豈不痛乎

集解徐廣曰無此十四字

主父死惠文王立

立五年與燕莫易

集解徐廣曰皆屬涿郡鄭音莫

八年城南行唐

集解徐廣

曰在常山正義行寒康反括地志云行唐縣屬冀州為南行唐築城

九年趙梁將與齊合

軍攻韓至魯關下及

正義劉伯莊云蓋在南陽魯陽關按汝州魯山縣古穀陽城

十

年秦自置為西帝十一年董叔與魏氏伐宋得河陽於

魏秦取梗陽

集解杜預曰太原晉陽縣南梗陽城也索隱地理志云太原榆次有梗陽鄉與杜預

所據小別也正義括地志云梗陽故城在并州清源縣南百二十步分晉陽縣置本漢榆次縣地春秋晉大夫祁氏邑也

十二年趙梁將攻齊十三年韓徐為將攻齊公主

死

索隱蓋吳娃女惠文王之妹

十四年相國樂毅將趙秦韓魏燕攻

齊取靈丘

索隱然此下文十五年重擊齊是此文為得蓋此年同伐齊耳正義蔚州靈丘縣也

與秦會中陽

正義括地志中陽故城在汾州隰城縣南漢中陽縣

也十五年燕昭王來見趙與韓魏秦共擊齊齊王敗走

燕獨深入取臨菑十六年秦復與趙數擊齊齊人患之

蘓厲為齊遺趙王書曰臣聞古之賢君其德行非布於

海內也教順非洽於民人也祭祀時享非數常於鬼神

也甘露降時雨至年穀豐熟民不疾疫衆人善之然而

賢主圖之今足下之賢行功力非數加於秦也怨毒積怒非素深於齊也秦趙與國以彊徵兵於韓秦誠愛趙乎其實憎齊乎物之甚者賢主察之秦非愛趙而憎齊也欲亡韓而吞二周故以齊餒天下恐事之不合故出兵以劫魏趙恐天下畏已也故出質以為信恐天下亟反也故徵兵於韓以威之聲以德與國而實伐空韓隱
與國趙也秦趙今為與國秦徵兵於韓臣以秦計為必共趙伐齊以威聲和趙是以德與國也

齊久伐而韓必亡破齊王與六國分其利也亡韓秦獨擅之收二周西取祭器秦獨私之賦田計功王之獲利孰與秦多說士之計曰韓亡三川正義河南之兩川之間魏亡晉國正義河北之安邑河內市朝未變而禍已及矣燕盡齊之北地去沙丘鉅鹿斂三百里正義沙丘邢州也鉅鹿冀州也齊北界貝州也斂減也言破齊相去減三百里趙國在中間也韓之上黨去邯鄲百里燕秦謀王之河山間三百里而通矣秦之上郡正義鄜延等州也近撻關至於榆中者千五百里秦以三郡攻王之上

黨

正義秦上黨郡今澤潞儀沁等四州之地兼相州之半韓摠有之至七國時趙得儀沁二州之地韓猶有

潞州

及澤州之半半屬趙魏沁州在羊腸坂之西儀并代三州在勾注山之南秦以三郡攻趙之澤潞則勾注

之南趙無地然秦始皇置上黨郡此言

之者太史公却引前書也他皆倣此

羊腸之西

正義

山坂道名南屬

山州北屬澤州句注之南代州西北也

非王有已踰

句注斬常山而守之三百里而通於燕代馬胡犬不東

下

正義言秦踰句注山斬常山而守之西北代馬胡犬不東入沙州崑山之玉亦不出至趙矣郭璞云胡地

野犬似

昆山之玉不出此三寶者亦非王有已王久伐

齊從彊秦攻韓其禍必至於此願王熟慮之且齊之所

以伐者以事王也

正義以趙王為事也而秦必伐之也

天下屬行以謀王

也

正義上音燭下胡郎反言秦欲令齊稱帝與約五國共滅趙三分趙地

秦之約成而

兵出有日矣五國三分王之地

正義謂秦齊韓魏燕三分趙之地也

齊倍

五國之約而殉王之患

正義齊王以身從趙王之患也

西兵以禁彊秦

秦廢帝請服

正義言秦齊相約欲更重稱帝故言廢帝也

反高平根柔於魏

集解徐廣曰紀年云

高平也根柔一作槐柔一作平柔正義返還也括地志

魏襄王四年改河陽曰河雍向日

云高平故城在懷州河陽縣西四十里紀年云

魏哀王改向日高平也根柔未詳兩邑魏地也

反堊分

集解徐廣曰一作王公堊音胡鼎反

先俞於趙

集解徐廣曰雁門是也正義堊音邢分

也

字誤當作山字括地志云句注山一名西陘山在代州雁門縣西北四十里俞音戌郭注云西陘即雁門山也按西先聲相近蓋陘山西隃二山猶行也而今乃抵臯正義謂共秦伐齊也臣恐天下後事王者之不敢自必也願王熟計之也今王母與天下攻齊天下必以王為義齊抱社稷而厚事王天下必盡重王義王以天下善秦秦暴王以天下禁之是一世之名寵制於王也於是趙乃輒謝秦不擊齊王與燕王遇廉頗將攻

齊昔陽

正義括地志云昔陽故城一名陽城在并州樂平縣東春秋釋地名云昔陽肥國所都也樂平

城沾縣東昔陽城肥國白狄別種也樂平縣城漢沾縣城也取之十七年樂毅將趙

師攻魏伯陽

正義括地志云伯陽故城一名邯會城在相州鄴縣西五十五里七國時魏邑漢邯

城會而秦怨趙不與已擊齊伐趙拔我兩城十八年秦拔

我石城

正義地理志云右北平有石城縣括地志云石城在相州林慮縣西南九十里疑相州石城是

王再之衛東陽決河水

正義括地志云東陽故城在貝州歷亭縣界按東陽先屬衛今

屬趙河厯貝州南東北流過河南岸即魏地也故言王再之衛東陽伐魏氏也伐魏氏大潦漳

水出魏冉來相趙十九年秦敗我二城趙與魏伯陽趙奢將攻齊麥丘取之二十年廉頗將攻齊王與秦昭王

遇西河外

集解徐廣曰年表云與秦會灑池

二十一年趙徙漳水武平

西

正義括地志云武平亭今名渭城在瀛州文安二十
縣北七十二里按二十七年又徙漳水武平南二十
里

二年大疫置公子丹為太子二十三年樓昌將攻魏幾

正義音祈傳云伐齊幾拔之又戰國策云秦敗閼與不
及攻魏幾按幾邑或屬齊或屬魏當在相潞之間也

能取十二月廉頗將攻幾取之二十四年廉頗將攻魏

房子

集解徐廣曰屬常山

拔之因城而還又攻安陽取之二十五

年燕周將攻昌

集解徐廣曰屬齊郡索隱燕周趙人為趙將正義括地志云故昌城在淄州淄

川縣東北城高唐取之與魏共擊秦秦將白起破我華
四十里也

陽正義括地志云故華陽城在鄭州管城縣南四十里司馬彪云華陽亭在今洛州密縣是時魏韓趙聚兵

於華陽

秦

得

一將軍二十六年取東胡

正義今營州也

歐代地

索隱

西攻秦

得一將軍二十六年取東胡

正義今營州也

歐代地

索隱

蓋東胡叛趙驅畧代地人衆以叛故取之也

二十七年徙漳水武平南封趙

豹為平陽君

集解駟案戰國策曰趙

豹平陽君惠文王母弟

河

水出大潦二十

八年藺相如伐齊至平邑

正義括地志云平邑故城在

魏州昌樂縣東北四十里也

罷城北九門大城

正義恒州九門縣城

燕將成安君公孫操弑其

王集解徐廣曰年表云是燕武成王元年索隱樂資云其王即惠王

二十九年秦韓相

攻而圍閼與落

正義上於連反下音預括地志云閼與聚落今名烏蘓城在潞州銅鞮縣西北二十

里又儀州順和縣城六云韓閼與邑二所未詳又有關興山在洛州武安縣西五十里蓋是也趙使奢將擊秦大破秦軍閼與下賜號為馬服君

正義因馬服山為號

也虞喜志林云馬兵之首也號曰馬服者言能服馬也括地志云馬服山邯鄲縣西北十里也

三十三

年惠文王卒太子丹立是為孝成王孝成王元年

集解徐廣

曰平原君相也秦伐我拔三城趙王新立太后用事秦急攻之

趙氏求救於齊齊曰必以長安君

正義長安君者以為長安善故名也

質兵乃出索隱孔衍云長安君惠文后之少子也趙亦有長安今其地闕太后不肯大

臣彊諫太后明謂左右曰復言長安君為質者老婦必

唾其面左師觸龍言願見太后太后盛氣而胥之入解集

駟案胥猶須也穀
梁傳曰胥其出也

徐趨而坐自謝曰老臣病足曾不能

疾走不得見久矣竊自恕而恐太后體之有所苦也故

願望見太后太后曰老婦恃輦而行

索隱東晉云趙惠文王子何者吳廣

之甥娃嬴之子也如系家計之則武靈王十六年夢吳娃而納之至二十七年王薨及惠文王三十二年卒者成王元年遣長安君質於齊若娃年二十八王宮至此在六十左側亦可稱老矣而東廣微言太后纔三十有

奇者誤也曰食得毋衰乎曰恃粥耳曰老臣間者殊不欲食乃彊步日三四里少益嗜食和於身也太后曰老婦不

能太后不和之色少解左師公曰老臣賤息舒祺最少
不肖而臣哀竊憐愛之願得補黑衣之缺以衛王宮昧
死以聞太后曰敬諾年幾何矣對曰十五歲矣雖少願
及未填溝壑而託之太后曰丈夫亦愛憐少子乎對曰
甚於婦人太后笑曰婦人異甚對曰老臣竊以為媼之
愛燕后賢於長安君太后曰君過矣不若長安君之甚
左師公曰父母愛子則為之計深遠媼之送燕后也持
其踵為之泣念其遠也亦哀之矣已行非不思也祭祀

則祝之曰必勿使反豈非計長久為子孫相繼為王也哉太后曰然左師公曰今三世以前至於趙主之子孫為侯者其繼有在者乎曰無有曰微獨趙諸侯有在者乎曰老婦不聞也曰此其近者禍及其身遠者及其子孫豈人主之子侯則不善哉位尊而無功奉厚而無勞而挾重器多也今媼尊長安君之位而封之以膏腴之地多與之重器而不及今令有功於國一旦山陵崩長安君何以自託於趙老臣以媼為長安君之計短也故

以為愛之不若燕后太后曰諾恣君之所使之於是為長安君約車百乘質於齊齊兵乃出于義聞之索隱子

義趙之

賢曰人主之子骨肉之親也猶不能持無功之尊無勞

之奉而守金玉之重也而況於予乎齊安平君

正義括地志云

安平城在青州臨淄縣東十九里古紀之鄆邑也

田單將趙師而攻燕中陽

正義

燕無中陽括地志云中山故城一名中人亭在定州唐縣東北四十一里爾時屬燕國也

拔之又攻

韓注人正義邑名也括地志云注城在汝州梁縣西十五里蓋是其地也

拔之二年惠

文后卒田單為相四年王夢衣偏繫之衣

正義杜預云偏左右異色

繫在中左右異故曰偏按繫衣背縫也

乘飛龍上天不至而墜見金玉之

積如山明日王召筮史敢占之曰夢衣偏繫之衣者殘

也乘飛龍上天不至而墜者有氣而無實也見金玉之

積如山者憂也後三日韓氏上黨守馮亭使者至曰韓

不能守上黨入之於秦其吏民皆安為趙不欲為秦有

城市邑十七願再拜入之趙聽王所以賜吏民王大喜

名平陽君豹告之曰馮亭入城市邑十七受之何如對

曰聖人甚禍無故之利王曰人懷吾德何謂無故乎對

曰夫秦蠶食韓氏地中絕不令相通固自以為坐而受上黨之地也韓氏所以不入於秦者欲嫁其禍於趙也秦服其勞而趙受其利雖彊大不能得之於小弱小弱顧能得之於彊大乎豈可謂非無故之利哉且夫秦以牛田之集解徐廣曰一無之字正義秦蠶食韓氏國中斷不通夫牛耕田種穀至秋則收之成熟之義也言秦伐韓上黨勝有日矣若牛田之必冀其收穫矣

水通糧

正義秦從渭水漕糧東入河洛軍擊

韓上蠶食上乘倍戰者正義乘承證反蠶食桑葉漸進黨也三為屋屋三為井井十為通通十為成成出草車一乘七十二人也上乘天下第一也倍戰力攻也韓國四戰

之地軍士憤裂上國之地其政行不可與為難必勿受
習倍於餘國

也正義上國秦地也言韓上黨之地以列為秦國之地其政已行趙不可與秦作難必莫受馮亭十七邑也

王曰今發百萬之軍而攻踰年歷歲未得一城也今以

城市邑十七幣吾國此大利也正義馮亭將十七邑入趙若幣帛之見遺此大利

也趙豹出王召平原君與趙禹而告之對曰發百萬之

軍而攻踰歲未得一城今坐受城市邑十七此大利不

可失也王曰善乃令趙勝受地告馮亭曰敝國使者臣

勝敝國君使勝致命以萬戶都三封太守正義爾時未合言太守至

漢景帝始加太守千戶都三封縣令皆世世為侯吏民此言太衍字也

皆益爵三級吏民能相安皆賜之六金馮亭垂涕不見

使者曰吾不處三不義也為主守地不能死固不義一

矣入之秦不聽主令不義二矣賣主地而食之不義三

矣趙遂發兵取上黨

集解 駟案漢書馮奉世傳曰趙封馮亭為華陵君與趙將括距秦戰

死於長平宗族由是分散或在趙在趙者為官師將官

師將子為代相及秦滅六國而馮亭之後馮無擇馮去疾馮劫皆為秦將相焉漢興馮唐即代相之

子也上黨記云馮亭家在壺關城西五里

廉頗將軍

軍長平

正義括地志云長平故城在澤州高平縣西二十一里即白起敗括於長平處

七年廉

頗免而趙括代將秦人圍趙括趙括以軍降卒四十餘

萬皆阨之王悔不聽趙豹之計故有長平之禍焉王還

不聽秦秦圍邯鄲

集解徐廣曰在九年武垣令有武垣縣本屬涿

郡正義括地志云武垣故城今瀛州城是也

傳豹王容蘇射率燕衆反燕地

正義武垣此時屬趙與燕接境故云率燕衆反燕地也

趙以靈丘

正義括地志云靈丘蔚州理縣

也封楚相春申君八年平原君如楚請救還楚來救及

魏公子無忌亦來救

正義魏公子傳云趙王以鄗為公子湯沐邑年表云九年公子無忌

救邯鄲圍在九其文錯誤耳秦圍邯鄲乃解十年燕攻昌壯

集解徐廣曰一

作社正義壯字誤當作城括地志云昌城故城在冀州信都縣西北五里此時屬趙故攻之也五月拔

之趙將樂乘慶舍攻秦信梁軍破之

集解徐廣曰年表云新中軍也索隱王

信梁秦將也正義信梁蓋王凱號也秦本紀云昭襄王五十年王凱從唐拔寧新中寧新中更名安陽今相州

理縣也年表云韓魏楚救

太子死

集解徐廣曰是年周報王卒或者太子云

天子乎索隱趙而秦攻西周拔之徒父祺出索隱徒父太子也史失名

而秦攻西周拔之徒父祺出

索隱徒父趙大夫名

祺十一年城元氏

集解地理志常山有元氏縣正義元氏趙州縣

上原武陽

君鄭安平死

集解徐廣曰故秦將降趙也

收其地十二年邯鄲詹燒

集解徐廣曰詹底之名音詹也索隱詹積葛藁之處為火所燒也

十四年平原君趙勝

死

索隱年表
在十五年

十五年以尉文封相國廉頗為信平君

索隱

尉

文蓋地名或曰尉官文名謂以尉文所食之地以封廉頗也古文質畧文省耳正義尉文蓋蔚州地也信平

廉頗

燕王令丞相栗腹約驩以五百金為趙王酒還歸

號也

報燕王曰趙氏壯者皆死長平其孤未壯可伐也王召昌國君樂間而問之對曰趙四戰之國也其民習兵伐之不可王曰吾以衆伐寡二而伐一可乎對曰不可王曰吾即以五而伐一可乎對曰不可燕王大怒羣臣皆以為可燕卒起二軍車二千乘栗腹將而攻鄗鄉秦將

而攻代

索隱二人皆燕將姓名

廉頗為趙將破殺栗腹虜卿秦樂

間

正義三人皆燕將姓名也

十六年廉頗圍燕以樂乘為武襄君

正義

樂乘功最高也十七年假相大將武襄君攻燕圍其國

十八年延陵鈞

集解徐廣曰郡有延陵縣

率師從相國信平君助

魏攻燕拔我榆次

集解徐廣曰在太原

三十七城十九年趙與

燕易土

索隱音亦謂與燕換易縣也

以龍兑汾門臨樂與燕

集解徐廣曰龍

兑汾門在北新城方城有臨鄉正義括地志云北新城故城在易州遂城縣西南二十里按遂城西南二十五

里有龍山邢子勵趙記云龍山有四麓各有一穴大如車輪春秋出東秋風出西夏風出南冬風出北不相奪

倫按蓋謂龍兒也汾門括地志云易州永樂縣有徐水出廣昌嶺三源奇發同瀉一澗流至北平縣東南厯石門中俗謂之龍門水經其間奔激南出觸石成井蓋汾字誤也遂城及永樂北新城地也臨樂括地志云臨鄉故城在幽州同燕以葛武陽平舒與趙城集解徐廣曰葛安六十七里在代郡正義括地志云故葛城又名西河城在瀛州高陽縣西北五十里平舒故城在蔚州靈丘縣北九十三里二十年秦王政初立秦拔我晉陽二十一年孝成王卒廉頗將攻繁陽取之集解徐廣曰在頓丘正義括地志云繁陽故城在相州內黃縣東北二十七里應劭云繁水之北故曰繁陽也使樂乘代之廉頗攻樂乘樂乘走廉頗亡入魏子偃立是為悼襄王悼襄王元年大備

集解徐廣曰一作脩魏欲通平邑中牟之道不成

正義平邑

正義行大備之禮也

魏欲通平邑

中牟之道不成

正義

在魏州昌樂縣東北三十里相州湯陰縣西五十八里

有中牟山按中牟山之側時二邑皆屬魏欲渡黃河作

道相通遂

正義

二年李牧將攻燕拔武遂方城

武遂屬安平

集解徐廣曰

正義

正義括地志云易州遂城戰國時武遂城也方城故在

幽州固安縣南十七里時二邑屬燕趙使李牧拔之也

秦召春平君因而留之泄鈞

正義人姓名也

為之謂文信侯曰

春平君者趙王甚愛之而郎中妬之故相與謀曰春平

君入秦秦必留之故相與計而內之秦也今君留之是

絕趙而郎中之計中也君不如遣春平君而留平都

正義

君入秦必留之故相與計而內之秦也今君留之是

絕趙而郎中之計中也君不如遣春平君而留平都

正義

括地志云平都縣在新興郡與陽周縣相近

春平君者言行信於王王必厚

割趙而贖平都文信侯曰善因遣之

集解徐廣曰年表云太子從質秦歸

正義按太子即春平君也城韓臯三年龐煖將攻燕禽其將劇辛四年

龐煖將趙楚魏燕之銳師攻秦最

集解徐廣曰在新豐不拔移

攻徐取饒安

集解徐廣曰在渤海又云饒屬北海安屬平原正義饒安滄州縣也七國時屬齊戰

國時五年傅抵

正義上音付下音邸趙將姓名

將居平邑慶舍將東陽

屬趙

正義屬貝州

河外師守河梁

正義河外河南岸魏州地也河梁橋也

六年

正義屬貝州

在河北岸

正義即饒陽也瀛州饒陽縣東二十里

封長安君以饒

正義故城漢縣也明長安君是號也

里

魏與趙鄴九年趙攻燕取狸陽城

正義按燕無狸陽疑
狸字誤當作漁陽故

城在檀州密雲縣南十八里燕漁陽郡城也按趙東界至瀛州則檀州在北趙攻燕取漁陽城也

趙兵未

罷秦攻鄴拔之

集解徐廣曰今饒陽在河間又年表曰拔閼與鄴九城

悼襄王卒

子幽繆王遷立幽繆王遷元年

集解徐廣曰又云湣王世本云孝成王丹生悼

襄王偃偃生今王遷年表及史考趙遷皆無謚索隱徐廣云王遷無謚今唯此獨稱幽繆王者蓋秦滅趙之後

人臣竊追謚之太史公或別有所見而記也

城柏人二年秦攻武城

集解徐廣曰年

表云秦敗扈輒率師救之軍敗死焉三年秦攻赤麗宜我平陽

安

正義括地志云宜安故城在恒州橐城县西南二十里也

李牧率師與戰肥下却

之

正義括地志云肥彙故城在恒州橐城
西七里春秋時肥子國白狄別種也

封牧為武安

君四年秦攻番吾

正義上音婆又音盤又作蒲括地志
云蒲吾城在恒州房山縣東二十里

也李牧與之戰却之五年代地大動自樂徐以西

徐廣集解

曰樂徐

北至平陰

正義樂徐在晉州平陰在汾也

臺屋牆垣大半壞地

坼東西百三十步

正義其坼溝見在亦在晉汾二州界也

六年大饑民謫

言曰趙為號秦為笑以為不信視地之生毛七年秦人

攻趙趙大將李牧將軍司馬尚將擊之李牧誅司馬尚

免趙忽及齊將顏聚伐之趙忽軍破顏聚亡去以王遷

降正義淮南子云趙王遷流於房陵思故鄉則為作山木之謳聞之者莫不隕涕括地志云趙王遷墓在房州房陵縣西九里也八年十月邯鄲為秦

太史公曰吾聞馮王孫曰趙王遷其母倡也集解徐廣曰列女傳之倡邯鄲嬖於悼襄王悼襄王廢適子嘉而立遷遷素無行信讒故誅其良將李牧用郭開豈不謬哉秦既虜遷

趙之亡大夫共立嘉為王王代六歲秦進兵破嘉遂滅

趙以為郡

索隱述贊曰趙氏之世與秦同祖周穆平徐乃封造父帶始事晉夙初有王岸賈矯誅韓厥立武寶符臨

代卒居伯魯簡夢翟犬靈歌處女胡服
雖彊建立非所顧牧不用王遷囚虜

史記卷四十三

史記卷四十三考證

趙世家見西王母樂之忘歸索隱或曰地名在西域有何據乎○臣照按爾雅觚竹北戶西王母日下謂之

四荒烏得謂無據乎

居原任國政索隱今雁門原平縣也○原平監本作平原考後漢書地理志改正

殺趙朔趙同趙括趙嬰齊○容齋隨筆曰春秋於魯成

公八年書晉殺趙同趙括於十年書晉景公卒相去

二年而史記乃有屠岸賈欲滅趙氏程嬰公孫杵臼
共匿趙孤十五年景公復立趙氏之說以年世考之
則自同括死後景公又卒厲公立八年而弑悼公公
立又五年矣其乖妄如是嬰杵臼之事乃戰國俠士
刺客所為春秋時風俗無此也困學記聞曰左傳正
義曰樂書將下軍則於時朔已死矣不得與同括俱
死也晉君明諸臣強無容有屠岸賈輒廁其間如此
專恣呂成公云史記失於傳聞之差是時晉室正盛

而云索莊姬子於宮中晉宮中自有紀綱不容如此
趙朔已亡而云與同括同時死以二者考之見其誤
趙朔妻成公姊有遺腹○考要曰同括死時已有趙武
無遺腹之說又事出莊姬不關岸賈未知史遷何據
更立襄公曾孫周集解徐廣曰年表云襄公孫也索隱
晉系家云襄公少子名周○晉世家云悼公周者其
大父捷襄公少子也與此同與索隱不符年表亦脫
曾字與此異

嬴姓將大敗周人於范魁之西正義取衛都鄙○監本訛作衛取都鄙今改正

吾有所見見子晰也索隱簡子見當道者乃寤曰嘻是故吾前夢所見者知其名曰子晰也○徐厚遠曰吾見子晰者蓋言夢中見子甚明白也不謂其人名晰
簡子曰奏之○簡監本訛作節今改正

晉定公之十四年范中行作亂○余有丁曰范中行氏因邯鄲午而作亂其說見下此先言之誤

陰令宰人各以枿擊殺代王及從官集解徐廣曰一作

雒○

臣照

按徐孚遠曰本文各字蓋言殺代王及其

從官各用銅枿擊之也徐廣曰一作雒則以雒為宰人名也今按徐廣說是蓋以枿擊殺代王者猶寘劍魚中之類代王既死其從官之被殺固不必問其用何器矣寧有令庖人盡持枿以為戰具之理耶

唯高共集解徐廣曰一作赫○韓非子及淮南人間訓

作高赫呂氏春秋作高赦

敗齊于靈丘集解地理志曰代郡有靈丘縣○余有丁
曰此靈丘齊地非代郡之靈丘

命乎命乎曾無我覩○列女傳作命兮命兮逢天時而

生曾莫我覩覩

十八年秦武王與孟說舉龍文赤鼎絕臚而死○按年
表在十九年

寵有孝悌長幼順明之節○戰國策作窮有辭讓之節

禹袒裸國○按戰國策云禹袒入裸國

王縲○戰國策作王孫縲

兄弟之通義也集解徐廣曰兄弟一作元夷元始也夷平也○戰國策作先王

吾國東有河薄洛之水集解徐廣曰安平經縣西有漳水津名薄洛津○按秦藩本此下有正義按安平縣屬定州也共八字

仇液之韓○戰國策作仇赫

二十五年惠后卒索隱謂武靈王之后前太子章之母

惠文王之嫡母也惠后卒後吳娃始當正室至孝成
二年稱惠文后卒是也而下文又云吳娃死後娃子
何寵哀故太子欲兩王之是誤也○危林曰子長既
云是為惠后又云二十七年立王子何為王是為惠
文王惠文王惠后吳娃子也又云吳娃死後子何寵
哀反覆著明則此二十五年卒者其為益姚無疑不
得以為子章母也若惠文后卒者是惠文之后故稱
惠文后耳自春秋夫人及歷代帝王妃后謚皆從夫

或別自易諱未有從其子謚者而獨子何之母仍子
徽稱歷考古今未聞斯典

主父死惠文王立○徐孚遠曰主父已傳位於子此云
惠文王立誤也

怨毒積怒非素深於齊也○戰國策作怨毒積惡非曾
深陵於韓也

且齊之所以伐者以事王也正義以趙王為事也而秦
必伐之也○徐孚遠曰此注不明蓋言齊之所以見

惡於天下者以其服事趙也故下云齊倍約而殉王之患為齊解於趙語

反高平根柔於魏反巫分先俞於趙○戰國策作反溫軻高平於魏反三公什清於趙

左師觸龍言願見太后○臣照按說苑桀臣有左師觸

龍荀子議兵篇微子開封于宋曹觸龍斷於軍觸龍古有是名戰國策作觸讐并下言字作一字蓋誤也老婦恃輦而行索隱東晉云趙惠文王子何者吳廣之

甥娃羸之子也如系家計之則武靈王十六年夢吳
娃而納之至二十七年王薨及惠文王三十三年卒
孝成王元年遣長安君質於齊若娃年二十入王宮
至此在六十左側亦可稱老矣而東廣微言太后纔
三十有奇者誤也○危林曰以惠文后為吳娃則長
安君主父之子也至是時已三四十歲矣尚需其母
愛憐之乎吳娃以主父十六年入宮子何之生應在
十七年則二十七年惠文為王已得齡十一二矣惠

文王三十三年上去東宮時十二年下至孝成元年
合得四十六年使王后長于惠文理亦有之即與惠
文並歲亦已望五十矣素問女子六七面皆焦髮始
白七七形壞無子何得不稱老婦以此而觀廣微謂
三十有奇果未為得也

有城市邑十七○戰國策作七十

七年廉頗免而趙括代將秦人圍趙括趙括以軍降卒
四十餘萬皆阬之○按年表阬卒在六年

虜卿秦樂間○徐孚遠曰樂間以諫燕王不聽自歸趙
非戰敗被虜也

秦召春平君○戰國策作春平侯

君不如遣春平君而留平都○戰國策平都下有侯字

吾聞馮王孫曰○馮唐傳云唐子遂字王孫與余善

史記卷四十三 考證

謹案卷四十三第十二頁前五行元與智氏因承
襲逝邀案因字疑作同

第十八頁後五行少府內史周官此釋內史不當
及少府少府二字衍

第二十頁前一行齊長城西頭在濟州平陰縣刊
本濟訛齊據唐地志及楚世家正義改

第二十頁後六行以徐充二水並過其西考水經

注充字當作澠

第二十頁後七行按燕趙即此地推文義燕下當有會字

第二十二頁前二行又疑此長城在潭水之北趙南界按趙南界無潭水潭字疑漳字之誤

第二十二頁前六行不得在太山有桑丘縣有字疑衍

第二十三頁後七行舜後封虞刊本舜訛然今改
第二十四頁前二行戰國策云本有宮室而居案

今戰國策本無此語

第二十四頁後六行七國時趙邑邊也案邑邊疑
作邊邑

第四十七頁前八行明長安君是號也刊本君訛
縣今改

考證第六頁後一行惠文王三十三年刊本年訛
矣今改





總校官庶吉士臣侍朝

校對官檢討臣郭

臣郭

寅

謄錄監生臣楊

臣楊

金